

拾

雅

拾雅卷第十八

高郵夏味堂述

拾遺釋八

釋器下

艾句子戟也或謂之雞鳴或謂之擁頸銳底曰鐔寢戈
親近兵杖也

周禮考工記冶氏戈廣二寸禮記曲禮篇進戈者前其鋒左傳襄廿八年使執寢戈而先後之

惠三隅矛也亦謂之公長鈹長矛也鋌鐵矜小矛也銳
矛屬重喬累荷也矛矜近上及室題所以縣毛羽也

書顧命篇二人雀弁執惠詩小戎篇公矛鋌矜呂氏春秋簡選篇可以勝人之長鈹利兵漢書揚雄傳究

銀癩者金鐵在夷者書顧命篇一
人冕執銳詩清人篇二牙重喬

句戟也莫邪大戟也戮瞿皆戟屬槩有衣戟也亦謂之

稽

呂氏春秋知分篇句兵鉤頸史記屈原賈生傳莫邪
爲頓書顧命篇一人冕執戮一人冕執瞿後漢書竇
武傳擁衛左右取槩信
國語吳語擁鐸拱稽

矛戟矜秘曰廬平底曰鐵亦曰晉

考工記總目輪與弓廬匠車梓秦無廬廬與廬同闕
語周語侏儒扶廬禮記曲禮篇進子戟者前其鐵錚
錚竝與鐵同淮南說林訓錄之與刃高誘注
錚矜下銅錚也考工記廬人去一以爲晉圖

隋蓋曰斧方蓋斧曰斨大斧曰鉞黃鉞斧曰齊斧亦曰

天鉞

詩破斧篇既被我斧七月篇取彼斧斨書顧命篇一人冕執鉞易旅得其齊斧書牧誓篇王左杖黃鉞

揚鉞鉞也劉鉞屬

詩公劉篇干戈戚揚列子說符篇人首亾鉞者書顧命篇一人冕執劉

楯謂之戣伐中干也干櫓小楯大楯也犀渠楯也瓦盾脊也繫楯之紛綬曰芮

史記蘇秦傳當敵則斬堅甲鐵幕革挾吹芮索隱吹與戣同詩小戎篇蒙伐有苑禮記儒行篇禮義以爲干櫓文選左思吳都賦戶有犀渠左傳昭廿六年射之中盾瓦

戣長槍也殺父也關鋌也錡鉞鑿屬槍爲發石一曰飛

石雷礮也

說文戈部春秋傳有稭戣詩侯人篇何戈與殺文選張衡東京賦關戟鞬鞬詩破斧篇又缺我錡又缺我

錄左傳桓五年詹勳而鼓襄十年親受矢石孔
疏引周禮職金鄭注用金石者作槍雷之屬

屬鏤蔥闕錄習長鉞劍也劍謂之鉞鉞謂之鉞兩刃鉞
謂之鉞犀劍飾也木標首之劍曰櫛具劍拊謂之觚把
劔物謂之緹劔鼻謂之瓏七首短劍也

左傳哀十一年王聞之使賜之屬鏤以死荀子性惡
篇桓公之蔥大公之闕文王之錄莊公之習楚辭九
章涉江篇帶長鉞之陸離左傳昭廿七年夾之以鉞
漢書陳勝項籍傳贊不敵於鉤戟長鉞也管子問篇
衣夾鉞法言孝至篇帶我金犀漢書雋不疑傳帶櫛
具劍淮南主術訓操其觚招其末史記孟嘗君傳猶
有一劍耳又耐緹漢書王莽傳欲獻其球耳師古注
球本作癘漢書鄒陽傳以信荆軻而七首竊發

歐刀刑人之刀也佩刀韞韞曰獲銀曰穎刀劍室曰削
後漢書虞翻傳寧伏歐刀以示遠近莊子庚桑楚篇
外囊者內獲者禮記少儀篇刀卻刃授穎漢書貨殖

傳質氏以灑

削而鼎食

鍔刃也直刃曰援兩刃曰臘楚人謂刃頓曰銖銀廉鍔也

後漢書竇憲傳血尸逐以染鍔周禮考工記冶氏援四之桃氏爲劍臘廣二寸有半寸淮南齊俗訓其兵皆銖而無刃大戴禮衛將軍文子篇銀手如斷

鞮鞞兜鍪也介甲也亦謂之革所以盛甲曰纍受他兵曰蘭受弩曰錡

漢書韓延壽傳被甲鞮鞞居馬上詩清人篇駟介旁有瞻卬篇舍爾介狄臣工篇嗟嗟保介禮記曲禮篇介冑月令篇措之於參保介之御間介蟲敗穀其蟲介左傳成二年不介馬而馳之昭廿五年季氏介其雞公羊宣六年傳吾君孰爲介國策秦策兵革大彊國語齊語諸侯甲不解纍文選張衡西京賦設存蘭

錡

圭瑞玉也。璽圭也。半環曰玦。守邑符信曰珪。金章銅印也。

論語執圭左傳昭十七年若我用璽玉犇玉璣後漢書馮魴傳賜駟犀具劔佩刀紫艾綬玉玦各一左傳哀十四年司馬牛致其邑與珪焉文選孔稚圭北山移文至其紐金章縮墨綬

版笏也。笏所以書思對命者。

後漢書范滂傳投版棄官而去儀禮士喪禮竹笏

染練布帛曰采。采五色也。亦謂之夏采。色一成曰就。雜采曰縹。華黃色也。皙皜斯毼。鵠的沃練。茶素白也。

染練見論衡量知篇禮記月令篇令婦官染采周禮染人秋染夏周禮典絲凡祭祀共黼畫組就之物儀

禮聘禮記纁三采六等朱白蒼禮記玉藻篇大夫元
華詩君子偕老篇揚且之皙也周禮大司徒其民皙
而瘠左傳襄十七年澤門之皙定九年皙纁而衣狸
製孟子縞皜乎不可尙已詩瓠葉篇有兔斯首儀禮
士喪禮罷豆兩爾雅釋器象謂之鴿釋畜駒類白類
陸德明釋文標字作的淮南墜形訓西方曰沃野說
林訓墨子見練絲而泣之太元守上九與茶有守周
禮考工記凡畫繪之事後素功爾雅釋天篇素錦綢
紅

閒色有五紺紅縹紫流黃也綦青黑色也賁黃白色也
絞蒼黃色也縵赤黃色也黻綠也

文選江淹別賦晦高臺之流黃書顧命篇囚人綦弁
詩白駒篇賁然來思禮記玉藻篇絞衣以裼之雜記
篇絞屬于池下詩候人篇三百赤芾毛傳
一命縵芾漢書百官公卿表金璽黻綬

刺者爲繡彩色爲畫

書益稷篇稱織
顧命篇畫純

圓曰規方曰矩八稜有隅者曰觚治玉石曰追治刀劍
曰洒治削曰洒削治金器曰冶壘金曰辟治土器曰陶
治木器曰梓髮漆曰軟以漆漆物曰髮皖漆也漆飾沂
鄂曰幾以金銀緣器曰鈿

史記禮書規矩誠錯史記酷吏列傳破觚而爲圓周
禮天官序官追師詩棫樸篇追琢其章史記貨殖傳
酒削薄技也漢書貨殖傳質氏以洒削而鼎食書梓
材篇若作梓材馬注梓古作籽字治木器曰梓治土
器曰陶治金器曰冶張協七命乃鍊乃鑠萬辟千灌
周禮巾車駮車藿蔽然襍髮飾鄭注故書髮爲軟髹
與髹同史記貨殖傳木器髹者千枚禮記檀弓篇華
而皖郊特牲篇丹漆雕幾之美後漢書和熹鄧皇后
紀其蜀漢鈿器九
帶佩刀並不復用

刻穿之曰疏所以穿曰鑽設版築曰栽以水擊絮曰漂緝續其麻曰辟

禮記明堂位篇殷以疏勺馬融長笛賦刻鏤鑽竿左傳定元年庚寅栽哀元年里而栽禮記中庸篇故栽者培之漢書韓信傳有一漂母哀之孟子妻辟纒

秒禾芒表也忽一釐口出絲也十毫爲髮十髮爲釐十釐爲分十分爲寸十寸爲尺十尺爲丈十丈爲引

史記太史公自敘問不容翮忽正義翮當作抄案抄當作禾旁少漢書敘傳造計秒忽毫釐見賈子六術篇分寸尺丈引見漢書律麻志

以黍生之爲一分按指爲寸鋪四指爲膚長不出膚爲握四寸也八寸爲咫六尺爲步半步爲武七尺曰尋八

尺曰仞施長七尺鈞長七尺

黍生見說苑辨物篇公羊僖卅一年傳膚寸而合扶與膚同禮記投壺篇室中五扶堂上七扶庭中九扶禮記王制篇宗廟之牛角握穀梁昭八年傳流芻握左傳僖九年天威不遠顏咫尺國語魯語其長尺有咫周禮小司徒九夫爲井鄭注引司馬法六尺爲步左傳襄廿五年井衍沃杜注同國語周語不過步武尺寸之間史記張儀傳蹠間三尋書族焚篇爲山九仞孟子堂高數仞又云掘井九仞與仞同案傳注並以八尺爲仞而儀禮鄉射禮記杠長三仞禮記祭義篇仞有三尺論語夫子之牆數仞鄭注苞注則並以七尺爲仞又詩閟宮篇是尋是尺周禮考工記父長尋有四尺儀禮鄉射禮記以鴻脰韜上二尋禮記雜記篇兩五尋左傳成十二年爭尋常以盡其民傳注並以八尺爲尋而史記正義及書傳孟子注則以七尺爲尋蓋師說不同耳管子地員篇夫管仲之匡天下也其施七尺國語周語律所以立鈞出度也

徑尺爲圍

莊子人問世篇絜之百圍其高臨山此篇又云三圍四圍求高名之麗者斬之陸德明釋文引崔注環八尺爲一圍案如峯說則三圍環二丈四尺四圍環三丈二尺卽高明之麗安得其大如許况下文更以七圍八圍當擇倚之用尤非理矣彼注八尺字當有誤

幣二丈爲一端二端爲一兩合之四十尺謂之匹

左傳昭廿六年以幣錦二兩禮記雜記篇納幣一束束五兩兩五尋

版牆版也修一丈廣二尺曰版方丈曰堵三堵曰雉雉長三丈高一丈

史記黥布傳身負版築詩鴻鴈篇百堵皆作毛傳一丈爲板國策秦策不沒者三板左傳隱元年都城過百雉周禮考工記匠人王宮門阿之制五雉案傳注皆以一丈爲版唯韓詩及公羊何休注八尺爲版亦師說不同也

度丈尺也。度法也。純度名也。從上曰深度。深曰仞。一

縱一橫曰午。

周禮內宰出其度量淳制司市掌市之治敘政刑量
度禁令大行人同度量禮記月令篇同王制篇用器
不中度量數制大傳篇立權度量孟子度然後知
長短淮南汜論訓以矩矱之所周矱與矱通後漢書
崔駰傳協準矱之貞度兮李賢注矱尺也淮南墜形
訓純丈五尺純方千里高誘注純量名蓋度量義得
相通矣儀禮聘禮釋幣制元纁束鄭注引朝貢禮云
純四只孔疏純謂幅之廣狹又引鄭答趙商問四當
爲三三咫則二尺四寸是純爲度名矣儀禮覲禮深
四尺左傳昭卅二年仞溝洫儀禮大射儀度尺而午

夏十寸爲尺。殷九寸爲尺。周八寸爲尺。

見蔡邕
獨斷

千二百黍爲龠。十龠爲合。十合爲升。十升爲斗。十斗爲

斛亦謂之石亦謂之甬

倫合升斗斛見漢書律歷志國語周語關石和鈞禮記月令篇角斗甬

六十四黍爲圭四圭爲撮一升二十四分升之一曰溢
五升器曰半受斗二升曰穀受六斗四升曰釜受六斛

四斗曰餼

圭撮見漢書律歷志儀禮喪服傳朝一溢米夕一溢米既夕記禮記喪大記竝同史記項羽本紀士卒食芋菽徐廣注芋當作半案此文王劭注則云容半升漢書項籍傳卒食半菽孟康注則云半五斗器名雖大小不同然大抵以什得其五爲半矣周禮考工記陶人鬲實五穀鄭司農注穀受三斗與後鄭異左傳昭三年豆區釜鍾論語與之釜黼與釜同周禮廩人入四鬴考工記桌氏量之以爲鬴陶人爲鬴實二鬴莊子田子方篇餼斛不敢入於四竟

量豆區斗斛之屬角量也平斗斛者曰概

書舜典篇同律度量衡周禮內宰出其度量淳制司市掌市之治教政刑量度禁令禮記王制篇度量數制仲尼燕居篇量鼎同其象角量見管子七法篇禮記月令篇正權概

十黍爲綮十綮爲銖侖容千二百黍重十二銖二十四銖爲兩十六兩爲斤三十斤爲鈞四鈞爲石四石爲鼓或曰十二石爲鼓

綮銖兩斤鈞石見漢書律歷志家語正論篇趙簡子賦晉國一鼓鐵禮記曲禮篇操量鼓

江淮人謂一石爲一擔河東北界人呼小石嬰受二石所曰服匿

後漢書宣秉傳自無擔石之儲漢書蘇武傳王病腸武馬畜服匿穹廬

六銖曰錙八銖曰錘太半兩爲鈞十鈞爲鍤鍤重六兩
太半兩一曰銚鍤也其重十一銖二十五分銖之十三
二十兩爲鎰或曰二十四兩爲鎰二十兩爲一金或曰
金重一斤或曰古者一鎰爲一金

淮南說山訓而無錙錘之盛諸書呂刑篇其罰百銖
其罰六百銖後鄭治氏注引說文銚鍤也又云十鈞爲
人膠三銚後鄭治氏注引說文銚鍤也又云十鈞爲
環環重六兩太半兩銚銚似同矣陸德明釋文銚戶
關反與說文同是環與鍤通矣鄭司農治氏注銚讀
爲刷鍤與銚爲一物故鍤亦作率史記周本紀黥辟
疑赦其罰百率徐廣注率卽鍤也音刷索隱又云舊
本率亦作選案漢書蕭望之傳甫刑之罰小過赦薄
罪贖有金選之名應劭注選音刷是率選皆銚之異
文矣孟子雖萬鎰國語晉語黃金四十鎰國策齊策
乃使人操十金公羊隱五年傳百金之魚公張之孟
子王儗兼金百鎰而不要溢與鎰通國策秦策黃金

益萬

稱斤兩也稱上曰衡關衡也坑量名

管子版法篇一稱數禮記月令篇鈞衡石經解篇猶衡之於輕重也國語周語關石和鈞周禮考工記治氏鈹十之重三坑鄭注坑量名蓋衡量義亦相通矣

百錢曰伯千錢曰仟十千曰萬十萬曰億十億曰兆萬曰姦數億至億曰秭

漢書食貨志有仟伯之得書洛誥篇公其以子萬億年敬天之休秦誓篇紂有臣億萬詩伐檀篇胡取禾三百億兮楚茨篇我庾維億假樂篇子孫千億禮記王制篇爲田九十億畝書五子之歌篇子臨兆民周官篇綏厥兆民孝經兆民賴之國語鄭語計億事材兆物行姦極詩豐年篇萬億及秭

大萬億也選萬也萬萬曰億萬億曰兆

漢書楚元王傳功費大萬山海經海外東經五億十
選詩伐檀篇胡取禾三百億兮楚茨篇我庾維億豐
年篇萬億及秬國語楚語官有十醜爲億醜高誘注
十萬曰億古數也今人乃以萬萬爲億左傳成二年
太誓所謂商兆民離昭廿年豈能勝億
兆人之詛禮記內則篇降德於衆兆民

蕤五倍也防三分之一也二隻曰雙兩尊曰朋雙貝曰
朋或曰五貝爲朋組十首爲一緝緝錢一算百二十也
鬱十葉爲貫百二十貫爲筭

孟子或相倍蕤周禮考工記輸人以其圍之防捐其
數禮記少儀篇加於一雙詩七月篇朋酒斯饗易損
或益之十朋之龜詩菁菁者莪篇錫我百朋國策宋
策東組三百緝後漢書烏桓鮮卑傳設告緡重稅之
令李賢注率緡錢二千而算一一算百二十也周
禮鬱人和鬱鬯以實筭而陳之貫筭見鄭司農注

龜曰卜亦曰兆著曰筮亦曰卦墨兆廣也坼兆壘也契

楚焯也內卦曰貞外卦曰悔卦兆占辭曰繇結草折竹

以下曰筮八段竹曰筮

書洪範篇擇建立卜筮人詩氓篇爾卜爾筮禮記月令篇命大史燹龜坼占兆冠義篇筮日筮賓左傳莊廿年陳侯使筮之漢書文帝紀兆得大橫周禮占人史占墨卜人占坼禮記玉藻篇史定墨周禮莖氏掌其燹契書洪範篇曰貞曰悔坼與梅同說文卜部引商書曰貞曰坼左傳閔二年成風聞成季之繇僖四年且其繇曰楚辭離騷索蔓茅以筮筮兮後漢書方術傳作挺專

在地鋪陳曰筮在上藉之曰席蓐席也衽臥席也豐席刮凍竹席也越席翦蒲席也縑席蒲弱五采席也次席桃枝席或曰虎皮席也桃枝篔亦謂之桃笙毳毼毛席也苦編藁也穎警枕也

周禮春官序官司几筵後漢書段熲傳在邊十餘年未嘗一日蓐寢儀禮士昏禮御衽于奧既夕記衽下莞上簟禮記曲禮篇請衽河趾內則篇將衽書顙命篇敷重豐席禮記禮運篇與其越席周禮司几筵加纁席畫純加次席黼純文選左思吳都賦桃笙象簟後漢書西域傳又有細布好毳毼儀禮既夕記寢苦禮記少儀篇枕几穎杖

薄簾也幌以帛明窻也

禮記曲禮篇帷薄之外不趨文選謝惠連雪賦月承幌而通暉

葦荻之薄曰簣蓬條篲也杖持也

史記范雎蔡澤傳卽卷以簣方言簣其麤者謂之蓬條呂氏春秋季春紀其杖曲簣筐

笠竹篲蓋也茅蒲笠笠也笠有柄者謂之笠

儀禮既夕記燕器杖笠嬰國語齊語首戴茅蒲史記虞卿傳躡屣擔笠

比櫛也靡者爲比麤者爲梳比余辨髮之飾也所以理髮謂之刷

禮記內則篇櫛緝笄總史記匈奴傳比余一漢書作比疎同文選嵇康養生論勁刷理鬢

所以卷髮曰笄今日簪幘道曰簪筐小簪也

周禮追師爲副編次追衡笄禮記喪服小記篇齊衰帶惡笄以終喪文選謝靈運擣衣詩簪玉出北房沈約應詔樂遊園餞呂僧珍詩待此未抽簪淮南齊俗訓筐不可以持屋

浴器謂之杆亦謂之濫沃盥器謂之匱盥水器曰料棄水器曰洗貯水器曰擢對

禮記玉藻篇出杆莊子則陽篇同濫而浴左傳僖廿三年奉匭沃盥儀禮少牢饋食禮司宮設盥水于洗東有料士冠禮設洗士昏禮同淮南說林訓溲則具擢對

蜀祠器也。校几足也。畢所以助載者。奠浙箕也。椌椌提也。著筓也。葉柶大端也。茜榼上塞也。

管子形勢篇抱蜀不言而廟堂既修儀禮士昏禮士人拂几授校禮記雜記篇畢用桑史記司馬相如傳聞烽舉燧燔注引漢書音義烽如覆米奠懸著桔槔頭禮記曲禮篇羹之有菜者用枵史記十二諸侯年表約爲象箸而箕子啼儀禮士冠禮面葉說文酉部引春秋傳曰王祭不供無以茜酒

所以載鼎實曰七黍稷謂之七長枋七謂之桃桃謂之歆短枋謂之疏畱犁飯七也。

易震不喪七鬯詩大東篇有捄棘七儀禮少牢饋食禮廩人漑醴獻與七與敦于廩爨有司徹手執桃七枋以挹清注于疏七又士喪禮乃枋載禮記雜記篇北以桑枋枳竝與七同矣漢書匈奴傳單于以徑路

金甌

箕舌曰葉又曰擣帚曰鬣小箕曰筴竹帚曰彗

禮記曲禮篇執箕膺葉少儀篇執箕膺擣拚席不以鬣莊子人間世篇鼓筴播精禮記曲禮篇國中以策

勿彗卹

觶解結錐也刷鋸尺也

詩芄蘭篇童子佩觶禮記內則篇小觶金斲大觶木斲淮南本經訓無所錯其制刷削鋸漢書揚雄傳般

倕奔其制刷兮應劭注刷曲鑿也刷當與刷通矣

策杖也筓楚杖也短曰敲長曰朴扑榎楚也夏栝也楚

荆也

論語策其馬莊子齊物論篇師曠之枝策也司馬遷報任少卿書其次闕木索被筓楚受辱極與筓同莊

子天下篇一尺之極賈誼過秦論執鼓朴以鞭笞天子親執朴以行築者書舜典篇朴作

教刑禮記學記
篇夏楚二物

橐排橐也。錘鳴頭，頰口句鐵，以吹火也。坊，土形也。刑範，鑄劍規模之器也。

老子其猶橐籥乎。莊子大宗師篇皆在鐘錘之間。耳。錘與錘同。淮南本經訓鼓橐吹錘以肖銅鐵。齊俗訓。鑄橐埵坊設非巧冶不能以治金。荀子彊國篇刑範正金錫美楊倞注刑與形同。

陶家模下圓轉者曰鈞，亦曰甄。火熟曰塋，未燒曰坯。瓦，紡磚也。

漢書鄒陽傳獨化於陶鈞之上。後漢書鄧曄傳甄陶品類禮記檀弓篇夏后氏塋周後漢書崔駰傳坯冶一陶詩斯干篇載弄之瓦。

屬灰也。

拾雅

卷十八

七

周禮考工記
人淫之以蜃

硎砥石也砥礪磨石也精曰砥麤曰礪石亦所以砥彈

臃腫也

莊子養生主篇而刀刃若新發於硎書禹貢篇礪砥砮丹國策秦策扁鵲怒而投其石

砧杵之質也築杵也

文選謝靈運擣衣詩擣高砧聲發
史記秦始皇本紀身自持築杵

臬表也槩括正曲木之木也竿籌也亦謂之鍛梢竿也
閉錘格也所以編薄席反覆之易也

周禮考工記匠人置槩以縣鄭注槩古文臬荀子性惡篇枸木必將待槩括烝矯然後直論語揖讓而升下而飲集解多竿飲少竿管子囷蓄篇且君引斂量用耕田發草漢書禮樂志飾玉柄以舞歌淮南道應

訓若轉
閉錘

機躡謂之牽挺

列子湯問篇
以目承牽挺

兩木相擊以行夜曰柝以銅作鐮晝炊夜擊曰刁斗溫
器有柄斗曰鐮銅鈔也

左傳哀七年魯擊柝聞於邾穀梁莊廿五年傳士擊
柝孟子抱關擊柝槩與柝同易繫辭傳重門擊柝周
禮挈壺氏縣壺以序聚槩修閭氏掌比國中宿互槩
者史記李將軍傳不擊刁斗自衛孟康注刁斗以銅
作鐮受一斗蘇林
注形如銅無緣

刻漏也所以占時曰拭晷景曰表倪候風者也亦謂
之統楚人謂之五兩設機引水曰翻車爲曲筒以氣引

儀禮聘禮西面坐啟牘論語竊玉毀於櫝中讀與櫝
同儀禮上喪禮筮者東面抽上韜上冠禮各一匱後
漢書崔駰傳今子韞積六經莊子天運篇盛以篋衍
楚辭七諫謬諫篇玉與石而同匱兮後漢書光烈陰
皇后紀視太后鏡奩中物劉盆子傳又以兩空札置
笥中文選班彪王命論思言短褐之襲儀禮士冠禮
同儀晉書音義列傳五十八頁笈文選
顏延之皇太子釋奠會詩巾卷充街

木在首曰枕

易坎險
且枕

牀邊曰廁第足之間曰辨牀檜也承物者曰机案曰楯

廢曰衡

史記汲鄭傳上踞廁而視之易象傳剝牀以辨易渙
渙奔其机莊子達生篇死於豚楯之上禮記雜記篇

筭
衡

合佳

卷十八

七四

拂擊治禾者謂之連枷

漢書王莽傳必躬載拂拂與拂同
荀子性惡篇則兄弟相拂奪矣

石豐碑也。碣，碣也。方者謂之碑，圓者謂之碣。

呂氏春秋求人篇故功績勒乎金石
後漢書竇憲傳封神邱今建隆碣

燭未燹曰燹，燹炬也。燹炬火也。大燭謂之燎，樹於門外曰墳燭，於門內曰庭燎。然燭頭燼曰卽，亦曰緒。燭盡曰櫛。著燭處曰句，設燭之束曰總。煙塵曰煤，哀聚火無焱曰熅。火滅曰灰，灼龜木曰焮。

儀禮燕禮司宮執燭于西階上，大射儀宵則庶子執燭于阼階上，禮記少儀篇執燭抱燹，儀禮士喪禮楚焮置于燹，莊子逍遙遊篇日月出矣而燹火不息，國語周語設庭燎，周禮司烜氏共墳燭，庭燎禮記檀弓

篇夏后氏卽周管子弟子職篇捧椀以爲緒櫛之遠
近乃承厥火居句如矩錯總之法橫于坐所呂氏春
秋任數篇煤灸入甑中漢書蘇武傳鑿地爲坎置
燼火禮記月令篇毋燒灰史記龜策傳梁卯梯黃
權火燹火也

漢書郊祀志故常以十
月上宿郊見通權火

楚人名火曰燥吳人曰焜

詩汝墳篇
王室如燬

緡緡錢貫也索亦曰緡

史記酷吏傳出告緡令漢書食貨志
緡緡千萬兒寬傳輸租緡屬不絕

格歧閣也引繩立表曰縣叢束茅表位曰蘊束茅立之
以縮酒亦曰蘊

史記梁孝王世家竇太后被格史記劉敬叔孫通傳
為縣蕞如淳注引春秋傳置茅蕞也國語晉語置茅
蕞

柯斧柄為棹鉸裝飾也形如要扇曰攝所以障面曰便
面亦曰屏面

周禮考工記廡人是故句兵棹文選顏延之赭白馬
賦寶鉸星纏國語晉語屏攝之位漢書張敞傳自以
便面拊馬王莽傳
後常翳雲母屏面

舟謂之杭亦謂之艘亦謂之翼大舟謂之幹小舟謂之
船亦謂之梁麗並兩舟謂之舫越人謂船為須慮船前
頭刺櫂處曰艦舟尾曰杙楫謂之柁柁謂之櫂短曰楫
長曰櫂刺船棹謂之橈亦謂之挈帆柱謂之檣亦謂之

百尺帆綱謂之綃維船索謂之纜繫船杙謂之牂舸

史記司馬相如傳蓋周躍魚隕杭漢書溝洫志發河南以東漕船五百艘文選顏延之三月三日侍遊曲阿後湖詩千翼汎飛鳧李善注引越絕書伍子胥水戰兵法內經曰大翼長十丈中翼長五丈六尺小翼長五丈淮南主術訓越人乘榦舟而浮於江湖湯武聖主也而不能與越人乘榦舟而浮於江莊子秋水篇梁麗可以衝城史記張儀傳舫船載卒越絕書吳內傳越人以船爲須慮漢書武帝紀舳艦千里淮南說林訓心所說毀舟爲杙荀子非相篇接人則用柂淮南道應訓飲非謂柂船者輯漫與楫櫂通漢書劉屈氂傳又發輯濯士以予大鴻臚商邱成淮南主術訓夫七尺之橈而制船之左右者以水爲資莊子漁父篇方將杖桴而引其船文選郭璞江賦萬里連檣木華海賦揭百尺維長綃謝靈運登臨海嶠詩繫纜臨江樓史記西南夷傳道西北牂舸

聯竹木浮水上曰枋篲大曰筏小曰桴

後漢書岑彭傳乘枋單下江關論語乘桴浮於海附與桴通爾雅釋言舳舻也

橋井上桔槔也衡木行馬也折竹以繩縣連禦人往來

曰鑿

禮記曲禮篇奉席如橋衡史記袁盎鼂錯傳不騎衡漢書宣帝紀又詔池鑿未御幸者假與貧民

凡無高下有絕加蹻板曰楛所以履苞笱舊無曰桁

公羊成二年傳踊于楛而窺客儀禮既夕禮皆木桁

如酒器縛之於身浮江湖以自渡曰樽受投書之器入

不可出曰斨

莊子逍遙遊篇何不慮以爲大樽史記酤吏傳投斨

格五簋也行棊相塞謂之簋投六箸行六棊曰六博六

拾雅

卷十八

七

箸十二棊也十二棊白六黑六所擲頭謂之瓊刻瓊四面爲眼謂之齒五白博齒也瓊有五采刻一畫者謂之塞刻兩畫謂之白刻三畫者謂之黑一邊不刻者五塞之間謂之五塞博立泉棊謂之菑亦謂之驍枰局也

漢書吾邱壽王傳年少以善格五召待詔後漢書梁冀傳能彈棊格五六博論語不有博奕者乎列子說符篇擊博樓上簿與博同楚辭招魂篇有六簿些又云呼五白些周禮考工記輪人當蚤不齟史記范雎蔡澤傳懸博與枰餘竝詳列子張湛注楚辭洪興祖補注

蹴鞠兵執也毛丸可蹋戲者曰鞠意錢攤錢也一曰詭倖一曰射數拚意錢之屬也鈗投翮也

後漢書梁冀傳蹴鞠意錢之戲蹴鞠亦作蹋鞠文選何晏景福殿賦賦脫承便蓋象戎兵李善注引七略

蹋鞠兵勢也漢書高惠高后文功臣表又博揜完爲城且掩與揜同後漢書王符傳或以游博持掩爲事淮南說林訓以瓦鈺者全

兩人以手相按能拔引之曰拔距拔河謂之牽鉤

漢書甘延壽傳投石拔距文選左思吳都賦拔距投石之部拔河見封氏聞見記

械桎梏也木在手曰桎在足曰梏兩手共一木曰拳夾頸及脛者曰桁楊夾足止行曰校接摺械楔也三木項及手足皆有械也五咤懲艾之器桎一梏二拳三也欽踏脚鉗也踊則足者屨也

司馬遷任少卿書淮陰王也受械於陳易蒙用說桎梏周禮大司寇桎梏而坐諸嘉石掌囚中罪桎梏禮記月令篇去桎梏左傳莊卅年則執而梏之周禮掌囚上罪梏拳而桎莊子在宥篇桁楊者相推也聖知

之不爲桁楊接槽也易繫辭傳屨校滅趾後漢書范滂傳滂等皆三木囊頭暴於階下書舜典篇五流有宅鄭注宅讀曰咤史記平準書敢私鑄鐵器煮鹽者鈇左趾左傳昭三年屨賤踊貴

槽謂之阜檻謂之柙欄謂之筴亦謂之圈豕欄謂之莖可以繫牲者曰楫設于牛角曰楅設于牛鼻曰衡牯楅也

莊子馬蹄篇編之以阜棧論語虎兕出於柙莊子達生篇元端以臨牢筴齊物論篇似園孟子旣入其苙周禮肆師頒于楫人封人設其福衛易大畜童牛之告

橫銜如箸爲繯結於項曰枚編木作牀曰棧

周禮秋官序官銜枚氏國策齊策其父殺之而埋之馬棧之下

馬絡首曰羈絆前兩足曰鞮亦曰頰牛紉曰縻長繩繫

牛曰犇豕大索曰羸所以繫牲曰繼曰鞅曰紉亦曰紉

國語晉語從者爲羸繼之僕莊子馬蹄篇連之以羸
羸陸德明釋文引司馬向崔本並作頰音棟頰與頰
通文選左思吳都賦頰麋麋史記司馬相如傳羸麋
勿絕而已文選馬融長笛賦或乃植持紉纏易姤羸
豕乎躡躡大壯羸其角陸德明釋文羸虞作羸王肅
作縲縲縲並與羸通左傳信廿四年臣負羸繼杜注
繼馬縲也服注則曰大縲是繼乃繫牲通稱矣縲與
繼同禮記少儀篇犬則執縲又云牛則執紉馬則執
鞅祭統篇君執紉周禮封人置其紉

以羽毛爲飾謂之駝

後漢書單超傳金銀屑駝施於犬馬

籥管也管籥搏鍵器鑰匙也

書金縢篇改籥見書周禮司門掌授管鍵左傳僖卅
二年鄭人使我掌其北門之管鄭注杜注並云管籥

也史記魯仲連鄒陽傳魯人投其籥禮記月令篇慎管籥

周尸曰棺壽器祕器禫傍棺也親身柩棺曰棨亦謂之辟棺題曰和棺中苓牀曰榻柎周棺曰椁積塗曰殯椁藏曰室塚壙曰室生而自爲冢曰壽冢壟墓外遊飾曰次浮棺飾曰嬰曰翰亦曰見柩車行所以披持棺者曰披載柩車飾曰輶撥紼也折承席也與尸之具曰機俑偶人也藏主石函曰祔

孝經爲之棺槨衣衾而舉之後漢書梁商傳賜以東園朱壽之器袁安傳賜以珠畫特詔祕器莊子人間世篇求禫傍者斬之禮記檀弓篇君卽位而爲棨曾子問篇三年之戒以棨從左傳襄二年不設屬辟呂氏春秋開春篇見棺之前和左傳昭廿五年淮是編所以藉幹者周禮問師不樹者無椁孝經作樂

注郭與享同周書作維解肆于岐周呂氏春秋節喪
篇題湊之室詩葛生篇歸于其室後漢書侯覽傳又
儀作壽豕管子侈靡篇故有次浮也周禮女御后之
喪持鬻御僕持鬻左傳成二年棺有翰楨儀禮既夕
禮藏器於旁加見周禮司士執披禮記雜記篇其輔
有殓檀弓篇哀公欲設撥禮記雜記篇而後折入曾
子問篇遂與機而往檀弓篇謂爲備者不仁孟子始
作俑者左傳昭十八年使祝史徙主祔於周廟哀十
六年反祔於西園

水器棹榼曰飲器虎子曰械褻器清器虎子之屬

淮南道應訓破其首以爲飲器史記萬石張叔傳取
親中裙廁輪蘇林注引賈逵解周官械虎子也窬行
清也周禮玉府凡褻器

內成曰器器實曰用器之總名曰械貯庫而爲備者曰
處器人家常用之器非一以十爲數曰什器

拾雅

卷十八

二十

史記秦始皇本紀器械一量盛與成通後漢公孫述傳器械之饒李賢注內盛曰器外盛曰械書微子篇乃攘竊神祇之犧牲用禮記王制篇器械異制孟子以粟易械器者管子問篇處器之具史記五帝紀作什器於壽邱

釋樂

六律謂之六始六同謂之六呂一曰六間函鍾謂之林鍾一曰百鍾小呂謂之中呂夾鍾謂之圜鍾竹管陽律也銅管陰律也

周禮大師掌六律六同以合陰陽之聲大元元瑩六始爲律六間爲呂國語周語爲之六間以揚沈伏而黜散越也周禮大師函鍾小呂淮南時則訓律中百鍾周禮大司樂圜鍾爲宮典同掌六律六同之和以辨天地四方陰陽之聲

律呂

金鍾鎛也石磬也土塤也革鼓鼗也絲琴瑟也木柷敔也匏笙也竹管簫也乾音石其風不周坎音革其風廣莫艮音匏其風融震音竹其風明庶巽音木其風清明離音絲其風景坤音土其風涼兌音金其風闐闐

周禮大師金石土革絲木匏竹左傳
隱五年夫舞所以節八音而行八風

八音

葛天氏曰載民曰元鳥曰遂草木曰奮五穀曰敬天常
曰建帝功曰依地德曰總禽獸之極伏羲曰立基神農
曰葦籥黃帝曰承雲祝融曰屬續少昊曰九淵帝嚳曰

六瑩舜曰七始日和伯禹曰夏籥曰承夏湯曰桑林曰
晨露文王曰辟雍曰巨業武王曰三象棘下雜聲和樂
曰緜房中樂曰燕兵樂曰愷

葛天氏樂八閔貝呂氏春秋古樂篇立基屬續九淵
見周禮大司樂賈公彥疏禮記明堂位篇土鼓黃桴
鞀籥伊耆氏之樂也說者以伊耆爲神農列子周穆
王篇奏承雲六瑩九韶晨露以樂之漢書律歷志子
欲闕六律五聲八音七始詠司馬相如上林賦弋元
鶴李善注引尚書大傳舜樂歌日和伯之樂禮記仲
尼燕居篇夏籥序興通典禹命登扶氏爲承夏之樂
莊子養生主篇莫不中音合于桑林之舞呂氏春秋
古樂篇湯乃命伊尹作爲大謨歌晨露莊子天地篇
文王有辟雍之樂樂苑文王樂名巨業淮南齊俗訓
周樂大武三象棘下周禮磬師教緜樂燕樂大司樂
王師大獻令奏愷樂樂師凡軍大獻教愷樂賦矇愷
獻亦如之鐘師軍大獻則鼓
共愷樂大司馬愷樂獻于社

樂名

清鐘赤鐘黃鐘景鐘黑鐘和鐘鈔鐘笙鐘編鐘無射鐘

大呂鐘姑洗鐘

管子五行篇昔黃帝以其緩急作五聲以正五鐘一曰清鐘大音二曰赤鐘重心三曰黃鐘灑光四曰景鐘昧其明五曰黑鐘隱其常禮記明堂位篇垂之和鐘周禮序官鑄師鑄與鑄同儀禮大射儀其南笙鐘其南鐘周禮磬師掌教擊磬擊編鐘左傳昭廿一年天王將鑄無射四語周語景王廿三年王將鑄無射而爲之大林左傳定四年分康叔以大呂分唐叔以姑洗

鳴球浮磬離磬頌磬笙磬

書益稷篇夏擊鳴球璆與球通國語魯語臧文仲以玉磬如齊告羅韋注玉磬鳴璆也書禹貢篇泗水浮磬禮記明堂位篇叔之離磬周禮眡瞭播鼗擊磬笙磬儀禮大射儀樂人宿縣于阼階東笙磬西

一面西階之西
頌磬東面

土鼓建鼓鼙鼓皐陶鼓密須鼓馬上鼓謂之提

周禮籥章掌土鼓幽籥壺涿氏以炮土之鼓毆之禮記明堂位篇土鼓黃桴管子桓公問篇禹立建鼓於朝而備訊喉儀禮大射儀建鼓在阼階西一建鼓在其南一建鼓在西階東詩靈臺篇鼙鼓逢逢周禮鞀人爲皐陶長六尺有六寸案此鼓鄭注引賈侍中云近晉鼓也鞀人別有皐鼓長尋有四尺卽鞀鼓也與此鼓異左傳定四年成王分唐叔大路之旂密須之鼓昭十五年密須之鼓與其大路文所以大蒐也周禮大司馬師帥執提

伏義氏琴面圓底平龍池八寸鳳池四寸黃帝琴曰清角

白虎通義琴始自伏義所作蔡邕論琴曰義削桐爲琴面圓法天底平象地龍池八寸通八風鳳池四寸

象四氣梁元帝纂要古琴
名有清角黃帝之琴觀玉

秦吳瑟二十五絃炎帝瑟五絃帝堯瑟十五絃舜瑟二

十三絃

漢書郊祀志秦帝使素女鼓五十絃瑟悲帝禁不止
故破其瑟爲二十五絃呂氏春秋古樂篇朱襄氏之
治天下也土達作爲五絃瑟帝堯立瞽叟抃五絃之
瑟作以爲十五絃舜立拌瞽叟之所爲瑟益之八絃
以爲二
十三絃

周雲和之琴瑟空桑之琴瑟龍門之琴瑟孤竹之管陰
竹之管孫竹之管

見周禮
大司樂

繞梁綠綺素琴一絃

拾雅

卷十八

三

傳元琴賦序楚莊王琴曰繞梁蔡邕有綠綺琴名器也晉書陶潛傳性不解音而蓄素琴一張孫登傳撫

一絃

伶簫鍾笙笙簫之屬曰蕩

國語魯語令伶簫詠歌及鹿鳴之三周禮笙師凡祭祀饗射共其鍾笙之樂儀禮大射儀蕩在建鼓之間簫以竹爲之長三尺執之以舞南籥幽籥

詩簡兮篇執籥秉翟左傳襄廿九年舞象籥南籥周禮籥章掌土鼓幽籥

蓬五空管如蓬而小併兩而吹之春牘以竹大五六寸長七尺短者一二尺其端有兩空髹畫以兩手築地應長六尺五寸中有椎雅如漆筒而鼻口大二圍長五尺六寸以羊韋鞞之有兩紐疏畫

周禮小師教鼓鼗祝敵塤簫管弦歌笙師教
歛竽笙塤簫簫篪篪篴管春牘應雅以教祓樂

鐘磬所縣橫曰篲植曰虞篲亦謂之業上飾卷然可以
縣曰崇牙亦謂之縱鐘紐曰追擊鼓杖曰枹曰攄曰搥
曰搥琴微曰的瑟下孔曰越琴瑟絃曰綸

周禮考工記梓人爲篲虞篲與篲同禮記明堂位篇
夏后氏之龍篲虞詩有瞽篇設業設虞崇牙樹羽電
臺篇虞業維縱孟子以追蠡後漢書董宣傳枹鼓不
鳴董少平桴與枹同第五倫傳桴鼓不鳴管子宙合
篇若鼓之有桴後漢書禰衡傳衡方爲漁陽參攄李
賢注文士傳作漁陽參攄攄攄方爲漁陽參攄李
約李善注引字書約亦的也儀禮鄉飲酒禮挈越
大射儀同鄉射禮執越燕禮同禮記樂記朱絃而疎
越莊子齊物論篇而其子又以文之綸

鐔于圓如碓頭鐔鉦也如小鍾一曰丁字鐔如鈴無舌

有秉金口木舌爲木鐸文事奮之金舌爲金鐸武事奮之

周禮鼓人以金鐸和鼓以金鐸節鼓以金鐸止鼓國語晉語戰以鐸于丁寧吳語鳴鍾鼓丁寧鐸于左傳宣四年著于丁寧周禮小宰徇以木鐸呂氏春秋仲春紀奮鐸以令於兆民

筑似瑟五絃之樂也或曰二十一絃

後漢書延篤傳雖漸離擊筑淮南秦族訓高漸離宋意爲鼓筑

缶盆也

易離不鼓缶而歌則大耋之嗟詩宛邱篇坎其擊缶史記李斯傳斯上始皇帝書擊甕叩缶彈箏搏髀而歌呼鳴鳴

缶與缶同

樂器

曲合樂曰歌風歎哭歌也哇謳也行操弄引曲也楚歌

謂之豔發歌句謂之倡徐引聲謂之凝

詩園有桃篇我歌且謠論衡明雩篇引論語風乎舞雩文選曹植與吳季重書鳳歎虎視淮南覽冥訓昔雍門子以哭見於孟嘗君文選張協七命若乃追清哇赴巖節史記司馬相如傳爲鼓一再行後漢書曹褒傳歌詩曲操以俟君子文選王褒洞簫賦時奏狹弄馬融長笛賦故伶曲引者左思吳都賦荆豔楚舞禮記樂記篇一倡而三歎文選謝朓鼓吹曲凝笳翼高蓋

駕辯勞商孝成南風九辯九歌塗山肆夏采薺狸首新宮武宿夜明明崇禹生開陽春白雪淥水幽蘭

楚辭大招篇伏戲駕辯楚勞商只尙書大傳煇然乃作大唐之歌納以孝成尸子帝舜彈五絃之琴以歌南風山海經大荒西經夏后開上賓于天得九辯與九歌焉塗山歌見吳越春秋周禮樂師教樂儀行以

肆夏趨以采菁諸侯以狸首爲節儀禮大射儀奏狸首燕禮記下管新宮禮祭統篇舞莫重於武宿夜逸周書世俘解籥人奏武萬獻明明三終奏崇禹生開三終國策宋玉對楚王問爲陽春白雪和者不過數人文選張協七啟奏淥水吐白雪宋玉風賦爲幽蘭白雪之曲

詩歌

八伯舞桑林舞帔舞羽舞皇舞旄舞干舞人舞象舞六舞小舞綴鄜也舞者之位也翳舞者所持也

尚書大傳虞傳泰山陽伯舞侏離儀伯舞蓺哉霍山夏伯舞謾或義伯舞將陽華山秋伯舞蔡叔和伯舞元鶴宏山冬伯舞齊落桑林見前樂名周禮樂師凡舞有帔舞有羽舞有皇舞有旄舞有干舞有人舞籥舞卽羽舞詩碩人篇執籥秉翟周禮籥師掌教國子舞羽斂籥禮記文王世子篇秋冬學羽籥是也萬舞卽干舞公羊宣八年傳萬者何干舞也詩維清序維清奏象舞也周禮大司樂以樂舞教國子舞雲門大

卷大成大磬大夏大濩大武以六舞大合樂樂師掌國學之政以教國子小舞禮記樂記篇綴兆舒疾詩君子陽陽篇左執

朝鄭箋翻翳也

舞名

夏九夷樂周四夷樂東方曰昧南方曰任西方曰株離北方曰禁南夷之樂亦曰南顛歌西南夷歌也巴渝獠舞也笳胡樂也

後漢書東夷傳夷有九種吠夷干夷方夷黃夷白夷赤夷元夷風夷陽夷夏少康已後世服王化遂賓於王門獻其樂舞周禮鞀鞀氏掌四夷之樂與其聲歌後漢書陳禪傳四夷之樂陳於門故詩云以雅以南韎任朱離李賢注毛詩無韎任朱離之文蓋見齊魯詩也朱與株同株又作侏蔡邕獨斷西方曰侏離白虎通禮樂篇又作朝離文選班固東都賦儵侏兜離李善注引孝經鉤命決又作林離朝兜乃株一聲之

轉林則字形相近而訛耳禮記文王世子篇胥鼓南
文選司馬相如上林賦文成顛歌巴渝宋蔡後漢書
竇融傳贊
蕤笳龍庭

夷樂

優侏儒北里折楊皇芩陽阿采菱延路陽局干遮

禮記樂記篇及優侏儒優雜子女史記商本紀北里
之舞靡靡之樂莊子天地篇折楊皇芩則嗑然而笑
淮南說山訓欲美和者必先始於陽阿采菱人間訓
鄙人聽之不若此延路陽局似延路陽局文選司馬
相如上林賦
淮南干遮

俳樂

以豶豬血釁鐘日落膈懸鐘格也拈隔擊考也雷鼓曰
譟疾雷擊鼓曰駮小擊鼓謂之疊張紗謂之緯急張絃

謂之絙楔鼓也。鶩彈謂之微，并絃謂之參。彈雜比曰音。單出曰聲。曲終曰闕。

左傳昭四年饗大夫以落之史記禮書縣一鐘尚拊
膈荀子禮論同揚倥注膈擊也漢書揚雄傳拊隔鳴
球家語相魯篇齊使萊兵以鼓相諫周禮大司馬鼓
皆駭文選謝朓鼓曲墨鼓送華翰楚辭九款愍命篇
挾人箏而彈緯九歌東君篇絙瑟兮交鼓招魂篇與
梓瑟些淮南主術訓鄉忌一微而威王終夕悲感於
憂修務訓參彈復微禮記樂記篇聲成
文謂之音文王世子篇有司告以樂闕

拾雅卷第十九

高郵夏味堂

拾遺釋九

釋天

天之爲言鎮也神也陳也珍也旋也均也古帝天也文
祖后帝泰元九陔洪鈞圓靈曾穹天也太儀天庭也閭
闔天門也堪天道也

鎮神陳珍見爾雅釋天釋文引春秋說題辭旋均見
物理論書堯典曰若稽古帝堯洪範篇帝乃震怒詩
皇矣篇既受帝祉禮記文王世子篇夢帝與我九齡
祭義篇唯聖人爲能饗帝詩烈祖篇古帝命武湯書
舜典篇受終于文祖左傳文二年皇皇后帝漢書禮
樂志惟泰元尊專精厲意逝九閭如淳注閭亦陔也

淮南子曰吾與汗漫期乎九垓之上垓重也謂九天之上也文選張華詩洪鈞陶萬類謝莊月賦圓靈水鏡謝惠連詠牛女詩瞬目麗會穹楚辭遠遊篇朝發軔於太儀兮楚辭離騷篇倚閭闔而望子文選揚雄甘泉賦屬堪輿以壁壘兮

天不足西北陽極於九故天周九九八十一萬里天如

雞子天大地小表裏有水地各承氣而立載水而浮

見春秋元命苞

八極之維徑二億三萬二千三百里南北則短減千里東西則廣增千里自地至天半於八極則地之深亦如之

見張衡靈憲計天度者言人人殊衡在漢時推步最精故獨載其說

子午卯酉爲二繩丑寅辰巳未申戌亥爲四鉤東北爲
報德之維西南爲背陽之維東南爲常羊之維西北爲
蹠通之維日冬至則斗北中繩陰氣極陽氣萌故曰冬
至爲德日夏至則斗南中繩陽氣極陰氣萌故曰夏至
爲刑

見淮南

天文訓

天體

陽氣數成於三故時三月陽數極於九故三月一時九

十日

見春秋

元命苞

春夏爲發秋冬爲斂首時爲孟

發斂見漢書律曆志
劉向傳孟陬無紀

積日曰閏十日曰旬亦曰揆日匝四時曰替匝一月曰
替周日至爲正殷日至三十日爲正夏至六十日爲
正自正月盡四月爲歲之朝上旬爲月之朝平旦至食
時爲日之朝晡時至黃昏爲日之夕下旬爲月之夕自
九月盡十二月爲歲之夕一時三月謂之三春九十日
謂之九春秋亦如之上春孟春也上日元日歲首朔日
也亦謂之三朝亦謂之三始朔月月朔日也亦謂之吉
王在門謂之閏

史記高祖功臣年表積日曰閱書五子之歌篇十句
弗返左傳宣十一年事三旬而成周禮大司馬挾日
而斂之書堯典篇恭三百有六旬有六日管子侈靡
篇若旬虛期於月津三正見公羊隱元年范甯注三
朝三夕見洪範五行傳文選嵇康琴賦若夫三春之
初靡服以時周禮天府上春露寶鑊及寶器書堯典
篇正月上日月正元日文選班固東都賦春王三朝
李善注三朝歲首朔日也漢書鮑宣傳今日蝕於三
始儀禮士喪禮朔月奠周禮大宰正月之吉大司徒
同族師月吉則屬民而讀邦法論語吉月周禮大史
閏月詔
王居門

五音倍而爲日六律倍而爲辰故日十而辰十二月日
行十三度七十六分度之二十六二十九日九百四十
分日之四百九十九而爲月而以十二月爲歲歲有餘
十日九百四十分日之八百二十七故十九歲而七閏

見淮南
天文訓

十二年曰紀千五百三十九歲爲一統四千六百一十七歲爲一元

書畢命篇既歷三紀
統元見論衡調時篇

歲時

天左旋日月五星右行日行遲月行疾日日行一度月日行十三度十九分度之七

見白
虎通

日有中道月有九行中道者黃道一日光道光道北至東井南至牽牛東至角西至婁夏至日至於東井去北

極近故晷短立八尺之表而晷景長尺五寸八分冬至
至於牽牛去北極遠故晷長立八尺之表而晷景長丈
三尺一寸四分春秋分日至婁角去極中而晷中立八
尺之表而晷景長七尺三寸六分若日之南北失節晷
長爲潦短爲旱奢爲扶月行青赤出陽道白黑出陰道
若月去中道移而東北入箕若東南入軫則多風移而
西入畢則多雨

見漢書
律麻志

日出于暘谷浴于咸池拂于扶桑是謂晨明登于扶桑
爰始將行是謂朏明至于曲阿是謂旦明至于會泉是

謂蚤食至于桑野是謂晏食至于衡陽是謂隅中至于
昆吾是謂正中至于烏次是謂小還至于悲谷是謂鋪
時至于女紀是謂大還至于淵虞是謂高春至于連石
是謂下春至于悲泉爰止其女爰息其馬是謂縣車至
于虞淵是謂黃昏至于蒙谷是謂定昏日入于虞淵之
汜暘于蒙谷之浦行九州七舍禹以爲朝晝昏夜

見淮南天文訓湯谷與暘谷同山海經海外東經湯
谷上有扶桑十日所浴搏桑與扶桑同淮南陸形訓
暘谷搏桑在東方禺谷卽虞淵也山海經大荒北經
夸父不量力欲追日景逮之於禺谷禹一作隅列子
湯問篇隅谷之際濛與蒙通文選
左思蜀都賦沛若濛汜之涌波

日中食時平旦雞鳴夜半人定黃昏日入晡時日昃周

之十時也

左傳昭五年日之
數十故有十時

日食甲乙四海之外不占丙丁江淮海岱也戊己中州
河濟也庚辛華山以西壬癸恒山以北

見史記
天官書

陽日也大明白駒曜靈華景翔陽朱羲朱光馳暉日也

日景日蔭

詩湛露篇匪陽不晡易彖傳大明終始禮記禮器篇
大明生于東莊子知北遊篇若白駒之過郤文選張
衡歸田賦於時曜靈俄景陸機樂府長安有狹斜行
輕蓋承華景木華海賦翔陽逸駭於扶桑之津郭璞
遊仙詩朱羲將由白張載七哀詩朱光馳北陸謝朓
覽使下都詩馳暉不可接左傳昭元年趙孟視蔭

朔旦也夏以平旦爲朔殷以雞鳴爲朔周以夜半爲朔

莊子逍遙遊篇朝菌不知晦朔平旦雞鳴夜半見白虎通三正篇

昏鼓四通爲大饗夜半三通爲晨戒旦明五通爲發駒日入後漏三刻爲昏日出前漏三刻爲明明晝也幽夜也發旦也昔夕也旦曰朝莫曰夕日尙冥未明日晷爽明始生日晞日欲出日昕日始出日盱旦明爲晷昕日西曰昃亦曰稷晡時曰下昃日申時食曰哺昏時爲闇亦爲曛黃

周禮鼓人凡軍旅夜鼓饗文選陸倕刻漏銘自天觀象昏旦之刻未分左傳昭元年明淫心疾文選何晏景福殿賦若幽星之纏連也詩載駉篇齊子發夕莊子齊物論篇是今日適越而昔至也禮記文王世子

篇朝夕至于大寢之門外漢書郊祀志辛巳朔旦冬至
至吻爽詩東方未明篇東方未晞禮記祭義篇及大
昕之朝易豫盱豫文選班固幽通賦吻昕寤而仰思
後漢書章帝紀劬勞日昃公羊定十五年經日下昃
穀梁經作日下稷淮南天文訓是謂舖時禮記祭義
篇夏后氏祭其閭楚辭九章思美人篇與隳黃以爲
期

恒弦也魄朏也晦而月見西方曰朏朔而月見東方曰
側匿亦曰朏

詩天保篇如月之恒書康誥篇惟三月哉生魄周禮
保章氏掌天星以志星辰日月之變動鄭注月有盈
虧朏側匿之變漢書五行
志作仄隱仄隱與側匿同

日所舍曰次二十八宿一宿曰一舍所舍之次曰房月
所歷曰離月與日會曰紀辰次曰虛趨舍而前曰羸退

舍日縮

禮記月令篇日窮于次月窮于紀文選郭璞遊仙詩
週日向三舍書允征篇辰弗集于房月所歷見蔡邕
月令章句國語晉語實沈之虛
晉人是居羸縮見史記天官書

日所出曰九陽日所入曰崦嵫日所行道曰飛谷

楚辭九思遭厄篇踵九陽兮戲蕩離騷篇
望崦嵫而未迫遠逝篇橫飛谷以南征

日中有跋烏月中有蟾蜍

見淮南
精神訓

彌氣貫日也日赤黃曰薄變氣曰謫日月無光曰晡日

月食曰闇月欲明日瞳矐

周禮厭祿五日闇六日晡七日彌史記天官書日月
薄蝕左傳昭三十一年日始有謫適與謫通史記天

官書日月暈適文選潘岳
秋典賦月窟耀以含光兮

日月

北斗魁爲首杓爲末第一星至第四爲魁第五至第七
爲杓魁星謂之宮斗玉衡北兩星曰玉繩杓端主指者
曰招搖文昌第五第四星曰司中司命或曰中能上能
也第六星曰司民或曰下能也三台謂之三階亦曰泰
階軒轅角謂之司祿

禮記檀弓篇不爲魁淮南天文訓斗杓爲小歲禮斗
威儀宮斗端明文選張衡西京賦正睹瑤光與玉繩
禮記曲禮篇招搖在上周禮大宗伯以標燎祀司中
司命天府若祭天之司民司祿三台與三能同後漢
書崔駰傳不以此時攀台
階郎顛傳三公上應台階

太微宮曰帝庭紫宮外曰鈎陳天臺曰漸臺天津曰五潢天苑曰青林匏瓜曰天雞織女曰天女天策曰傳說極後四星曰句星斗杓後三星曰維星五車之三柱曰

三淵

文選謝莊月賦引元兔於帝臺集素娥於后庭李善注引張泉觀象賦寥寥帝庭自注帝庭謂太微宮又賦曰漸臺可升自注漸臺天臺之名後漢書班彪傳周以鈎陳之位文選張衡思元賦乘天潢之汎汎兮李善注引樂緯曰商爲五潢思元賦又云獵青林之茫茫匏瓜天文見荊州占國語晉語天策焯焯句星維星三淵見漢書律曆志

歲星一曰攝提曰重華曰紀星太白一曰殷星曰太正曰營星曰觀星曰宮星曰明星曰大衰曰大澤曰終星

曰大相曰天浩曰序星日月緯曰梁星曰大爽辰星一
曰細極曰驟星曰伺祠

見史記天官
書及天官占

國皇歸邪景星吉星也

史記天官書國皇狀類南極所出其下兵彊如星非
星如雲非雲命曰歸邪歸邪出必有歸國者景星者
德星也出於
有道之國

昭明五殘賊星司危獄漢地維咸光燭星蚩尤長庚祇
星也

並見天官書孟康注皆
五星之精散所爲也

星精也恒星經星也五緯五星也五精五方星也三光

三大辰也沫小星也賁星句星客星也芴彗星也

星精見春秋說題辭穀梁莊七年傳恒星不見後漢書郎顛傳五緯循軌文選張衡東京賦五精帥而來摧禮記鄉飲酒義參之以三光易豐日中見沫淮南天文訓賁星隆而勃海溢道應訓句星在房心之間文選揚雄劇秦美新大芴經賁

星同舍爲合突掩爲陵相擊爲鬪居其宿曰守自下觸之曰犯五星有變其精散爲祇星曰散

並見漢書天文志

星

風萌也習習蓬蓬聒聒風也風之遲弱者曰飈

白虎通義八風篇風之爲言萌也詩谷風篇習習兮風莊子秋水篇蓬蓬然起於北海蓬蓬然入於南海

文選宋玉風賦賦賦雷聲鮑昭蕪城

賦蔽蔽風威郭璞江賦徐而不颺

卿雲喜氣也景雲五色雲也景明也強也外赤內青曰
喬白曰第密雲曰周雲雲興曰泝萋萋油油吸吸云云
雲也無雲曰晏雲師謂之屏翳雨師謂之元冥

史記天官書若煙非煙若雲非雲郁郁紛紛蕭索輪
困是謂卿雲慶與卿通慶雲見漢書律曆志後漢書
郎顛傳則景雲降集膏殄息矣景明見禮斗威儀景
強見春秋考異郵文選左思魏都賦喬雲翔龍楚辭
天問篇白蜺嬰茀淮南倣真訓譬若周雲之龍從遼
巢涉溟而爲雨詩大田篇有泝萋萋史記司馬相如
傳雲之油油楚辭九歎思古篇雲吸吸以漱辰呂氏
春秋圖道篇雲氣西行云云然淮南繆稱訓暉目知
晏漢書郊祀志中山晏溫有黃雲焉如淳注日出清
濟爲晏案清濟卽無雲之義也後漢書張衡傳雲師
難以交集兮風俗通義引春秋左
氏傳說鄭大夫子產禳於元冥

雷公謂之豐隆隆隆隆雷也殷雷聲也

水經河水篇屈從其東南流入于渤海爾注引穆天子傳天子升崑崙封豐隆之葬後漢書張衡傳豐隆軒其震霆兮詩雲漢篇蘊隆蟲蟲殷其雷篇殷其雷

列缺電也儵忽電光也

列缺見張衡思元賦楚辭天問篇儵忽焉在

水雪雜下曰汁

禮記月令篇行秋令則天時雨汁

風雲雷電雨雪

祭察也積薪燔柴曰樵祀后土曰社迎四方氣於郊曰方五嶽四鎮四瀆曰四望日月星海亦曰四望四方羣

神風伯雨師餘山川三十六所亦曰方望祭上帝曰旅
祭山亦曰旅礫牲曰辜尸祭曰隋下祭曰墮禦未至曰
梗除災害曰禴卻變異曰禳祈福祥曰禱吁嗟請雨曰
雩師祭曰貉禱牲馬祭曰調祭道神曰祖因獵取獸祭
其先祖曰臘礫禳也殺牲祭以血塗之曰釁

祭察見春秋繁露祭義篇燔柴見風俗通義祀典篇
詩甫田篇以社以方周禮大宗伯國有大故則旅上
帝及四望公羊僖卅一年傳天子有方望之事周禮
大宗伯以禴辜祭四方百物小祝贊隋儀禮士虞禮
祝命佐食墮祭鄭注下祭曰墮周禮曰既祭則藏其
墮謂此也今文墮爲綏又少半饋食禮尸將酢主人
時上佐食以綏祭鄭注綏讀爲墮是墮綏通矣又特
牲禮祝命按祭則投與綏同周禮女祝掌以時招梗
禴禳之事左傳昭九年於是乎祭之禮記月令大雩
帝公羊桓五年傳大雩者何旱祭也周禮肆師祭表

貉甸祝掌四時之田表貉之祝號說文示部引詩曰
既禡既禱左傳昭七年夢襄公祖禮記月令篇臘先
祖五祀旁磔周禮雞人面禳費管子小問篇桓公卽
位令釁社塞禱孟子將以釁鐘呂氏春秋慎大篇釁
鼓旂
甲兵

七政日月五星也二紀日月也三辰日月星也一曰三

光一曰重光一曰三精

太元元瑩以齊七政後漢書張衡傳察二紀五緯之
綱繆而皇書益稷篇日月星辰孔傳日月星爲三辰
後漢書朱浮傳干動三光書顧命篇
宣重光後漢書光武紀贊三精霧塞

天宗日月星辰也宗社宗也田祖先嗇也

禮記月令篇天子乃祈來年于天宗詩鳧鷖篇既燕
于宗甫田篇以迓田祖周禮篇章凡國祈年于田祖
鄭注田祖
神農也

含靈咸池女夷青女諸稽通視赤奮若共工諸比臯稽
隅強窮奇天神也五帝曰五泰辰之神曰靈星天田亦
曰靈星處西北隅以司日月之長短曰石夷古主炊母
之神曰族人炊髻竈神也旱神曰女魃馬祖曰伯人物
裁害之神曰醜惡鬼曰厲強鬼曰禡大厲疫鬼曰伯強
百物之神曰魑小兒鬼曰魍耗鬼曰魑

史記司馬相如傳左元冥而右含靈漢書作黔雷義
同楚辭七諫自悲篇屬天命而委之咸池淮南天文
訓女夷鼓歌以司天青女乃出諸稽以下八風神並
見陸形訓荀子蠶賦請占之五泰靈星見風俗通義
祀典篇零與靈同後漢書東夷傳好祀鬼神社稷零
星山海經大荒西經有人名曰石夷漢書郊祀志晉
巫祠五帝東君雲中君巫社巫祠族人炊之屬龍翔
達生篇竈有髻後漢書張衡傳夫女魃北而應龍翔

詩吉日篇既伯既禱周禮族師春秋祭醕亦如之步
與醕通校人冬祭馬步左傳襄十七年而父爲厲禮
記郊特牲篇鄉人禘鄭注禘或爲獻或爲儼楚辭天
問篇伯強何處周禮凡以神仕者以夏日至致地示
物彪魅與彪同左傳宣三年螭魅罔兩文選張衡東
京賦況魃螿與畢方漢書揚雄傳捎夔魃而扶縞狂

祀典

比年簡徒謂之蒐三年簡車謂之大閱五年大簡車徒

謂之大蒐

公羊桓六年傳蓋以
罕書也何晏集解

甸田獵也

周禮司服凡
甸冠弁服

火田爲燎亦曰燒

詩正月篇燎之方揚管子
輕重甲篇齊之北澤燒火

隸兵

志章識也章旌旗也徽識也徽號旌旗之名也大旗謂
之麾亦謂之綏亦謂之戲靈姑鉦渠眉洪頤旗也綉莢
旆也旛謂之旌肥胡祀姑幡也旗正幅曰繆張繆曰弧
旗旒曰紛其衣曰鞞竿謂之杠杠謂之幢幢謂之幃羽
葆幢謂之纛亦謂之翳

禮記檀弓篇公西赤爲志焉史記張丞相傳爲職志
國語晉語變非聲章不能移也左傳昭廿一年揚徽
者公徒也禮記大傳篇殊徽號周禮巾車建大麾穀
梁莊廿五年置五麾禮記明堂位篇夏后氏之綏中
記高帝本紀兵罷戲下漢書高帝紀集注戲讀曰麾
左傳昭十年公卜使王黑以靈姑鉦率吉管子小匡

篇渠眉赤旂漢書揚雄傳舉洪頤樹靈旗史記衛世家賜衛寶祭器索隱引左傳分康叔以大路大旂少帛綉夜旂旌大呂史記孝文本紀朝有進善之旌國語吳語建肥胡文逸左思吳都賦建祀姑周禮巾車建大常十有二旂鄭注大常九旗之畫日月者正幅爲參好則屬焉儀禮觀禮載龍旂弧韜禮記明堂位篇載弧韜漢書揚雄傳青雲爲紛禮記檀弓篇綱練設旒鄭注綱練以練綱旌之杠儀禮鄉射禮記杠長三仞後漢書班彪傳撫鴻幢周禮鄉師及葬執纛鄭注作翺與纛同山海經海外西經夏后啟左手操翺

旗幟

釋地

地麗也施也易也媼也富媼大塊地也輿地道也

麗施見爾雅釋地釋文地易見白虎通義天地篇地媼見春秋說題辭漢書禮樂志后土富媼文選張華答河劭詩大塊稟羣生堪輿兒釋天

神農以上東南神州曰晨土正南邛州曰深土西南戎
州曰滔土正西弇州曰开土正中冀州曰白土西北柱
州曰肥土北方元州曰成土東北咸州曰隱土正東陽
州曰信土

後漢書張衡傳越邛州而愉敖李賢注引河圖緯地
有九州帝王世紀自神農以上有大九州桂州迎州
神州之等黃帝以來德不及遠惟於神州之內分爲
九州淮南陸形訓晨土作農土正南作次州曰沃土
白土作中土北方元州作正北
沛州咸州作薄州信土作申土

黃帝治東至于海登丸山及岱宗西至于空桐登雞頭
南至于江登熊湘北逐葷粥合符釜山

顓頊治北至于幽陵南至于交趾西至于流沙東至于

蟠木

竝見史記

五帝本紀

禹使大章步自東極至於西極二億三萬三千五百里
七十五步又使豎亥步南極北至于北垂二億三萬三
千五百里七十五步

見山海經

中山經

堯所治冀州兗州青州徐州揚州荊州豫州梁州雍州

見書禹貢篇晉書地理志帝
堯時禹平水土以爲九州

舜所治冀州并州幽州青州營州徐州兗州豫州揚州
荊州雍州梁州

書舜典篇肇
十有二州

周所治揚州荊州豫州青州沅州雍州幽州冀州并州
南北萬三千三百六十八里東西九千三百二里

九州見周禮職方氏里數見帝王世紀及漢書地理志竝禮記王制篇西方曰棘東方曰寄正義

三亳東成臯南轅轅西降谷也幽陵幽州也荆楚也于
吳也

書立政篇三亳楚辭大招篇北至幽陵國語晉語晉伐鄭荆救之淮南原道訓于越生葛絺

雍州有弦蒲幽州有獫狁秦有具圃趙有鉅鹿齊有申
池越有姑蔑

周禮職方氏其澤藪曰弦蒲其澤藪曰獫狁淮南陰形訓秦之陽紆高誘注陽紆一名具圃淮南又云趙

之鉅鹿呂氏春秋有始覽同淮南又云齊之海隅申池在海隅國語越語西至於姑蔑

東方爲田南方爲司馬西方爲理北方爲司空中央爲都鬼北也伏方北方也春路東方道也秋方鮮方遷方

西方也

四方見淮南天文訓春秋繁露五行相生篇西方司徒北方司寇與淮南小異易旣濟高宗伐鬼方尚書大傳便在伏物史記五帝紀居北方索隱引尸子北方者伏方也文選張衡東京賦飛雲龍於春路屯神虎於秋方御覽時序部引書大傳西方者鮮方也白虎通義五行篇西方者遷方也

天子所居州界夏曰縣殷曰畿周亦曰畿畿內謂之寰

內

禮記王制篇天子之縣內周禮大司徒制其畿疆而溝封之職方氏方千里曰王畿大行人邦畿方千里

圻與畿同左傳昭卅三年今土數圻周書職方解方千里曰王圻穀梁隱元年傳寰內諸侯

五十里近郊百里遠郊二百里甸三百里削四百里縣
五百里都甸王田也遠郊上公五十里侯伯三十里子
男十里近郊各半之

周禮載師任近郊之地任遠郊之地大宰六曰邦都之賦司會掌國之官府郊野縣都之百物財用國語周語邦內甸服甸禮肆師與祝侯禘于

臺及郊儀禮聘禮及郊賓至于近郊

諸侯曰境大曰邦小曰國邦之所居亦曰國國城中也
腆小國也國曰固野曰險四垂曰宇所踐之界曰履立
封界謂之捷

路史國名紀注引書大傳諸侯曰境周禮大宰以佐王治邦國司士掌國中之士治士師三曰國禁修閭

氏掌比國中宿互樣者儀禮鄉射禮記君國中射禮
記曲禮篇入國而問俗書大誥篇殷小腆誕敢紀其
緒周禮夏官序官掌固左傳昭四年失其守宇僖四
年賜我先君履漢書賈誼傳淮揚包陳以南建之

九州之內曰赤縣

穀梁桓五年傳在乎冀州詩北山篇率土之
濱毛傳濱涯也孔疏引鄒子中國名赤縣

閭二十五家族百家黨五百家州二千五百家鄉萬

千五百家

周禮大司徒令五家爲比五比爲閭四閭爲族五族
爲黨五黨爲州五州爲鄉閭胥各掌其閭之徵奪族
師各掌其族之戒令政事黨正各掌其黨之政令教
治州長各掌其州之教治政令之灋鄉大夫之職各
掌其鄉之
政教禁令

一十五家爲里百家爲鄣五百家爲鄙二千五百家爲

縣萬二千五百家爲遂

詩將仲子篇無踰我里禮記郊特牲篇單出里周禮
宰夫掌治漚以考百官府羣都縣鄙之治遂人五鄙
爲里四里爲鄣五鄣爲鄙五鄙爲縣五縣爲遂呂氏
春秋季秋紀制百縣高誘注作四里爲攢五鄣爲鄙
縣遂

晦百爲夫夫三爲屋屋三爲井井十爲通通十爲成十

成爲終十終爲同

司馬法見周禮
少司徒鄭注

五家爲軌十軌爲里四里爲連十連爲鄉五家爲軌六
軌爲邑十邑爲率十率爲鄉

見管子小匡篇
及國語齊語

城郭之邑曰都都之所居曰鄙邊邑亦曰鄙二十五家爲社小於鄉曰聚聚居曰陬小城曰保亦曰塢

詩都人士篇彼都人士周禮大宰以八則治都鄙左傳莊廿六年羣公子皆鄙昭廿五年請致千社哀十五年書社五百史記秦本紀并諸小鄉聚後漢書光武紀與其帥王鳳陳牧西擊長聚文選左思魏都賦

蠻陬夷落禮記月令篇四鄙入保後漢書馬援傳繕城郭起塢候

一井爲疇百畝爲頃二十五畝爲小畦五十畝爲大畦三十畝爲畹十二畝亦爲畹古百步爲晦漢時二百四十步爲晦

孟子易其田疇公羊宣十五年傳什一者天下之中正也何休注凡爲田一頃十二畝半孟子病於夏畦文選左思魏都賦下畹高堂楚辭離騷余既滋蘭之九畹兮漢書食貨志故晦五頃

壘上曰畝壘中曰畝畝上曰伐隴謂之陔大曰隄小曰
塍稻田塍埒謂之棗塍分界謂之陌埒中曰畦畦埒謂
之列亦謂之場亦謂之畛亦謂之町竝畔爲疇麻地爲
疇井田間道謂之畷通溝漑田謂之陂田側謂之培殘
田謂之塍亦謂之疇

國語周語或在畝畝莊子讓王篇居於畝畝之中周
禮考工記匠人一耦之伐廣尺深尺謂之畝東晉補
凶詩序南陔孝子相戒以養也文選左思蜀都賦峻
岨塍列長城爾雅釋耶如棗者棗耶楚辭九思塍上
篇率彼吟吟陌莊子天地篇方將爲圖畦周禮稻人
以列舍水詩南山篇疆場翼翼載芟篇徂隰徂畛莊
子人間世篇彼且爲無町畦左傳襄卅年取我田疇
而伍之國語周語田疇荒蕪史記天官書視封疆田
疇之正治說苑辨物篇疇也者何也所以爲麻也周
禮大宗伯以禴辜祭四方百物鄭注饗農及郵表畷

拾雅

卷十九

七

禽獸音書音義第四十五卷通溝漑田亦爲畷呂氏
春秋辨土篇高培則拔說文田部引詩曰天方薦騶
論語千乘之國馬注
三百一十六里有畸

徑容牛馬畛容大車涂容乘車一軌道容二軌路容三
軌

周禮遂人
凡治野

東西爲陌爲廣爲橫爲緯爲營南北爲阡爲運爲從爲
經爲徑爲輪爲表

史記秦本紀開阡陌國語越語廣運百里文選張衡
西京賦量徑輪考廣表詩南山篇橫從其畝史記蘇
秦傳橫人者大戴禮易本命篇東西爲緯南北爲經
楚辭九歎怨思篇經營原野周禮大司徒周知九州
之地域廣輪之數儀禮既夕記廣尺輪二尺禮記檀
弓篇廣輪塹坎後漢書光武紀圍陵廣表無慮所用

土衍沃曰息下平曰衍有漑曰沃無塊曰壤有膏肥曰
墳自長息無限曰息壤黏土曰埴小疏曰黎澆薄曰耗
土亦曰瘠亦曰塉塉不生五穀曰不毛鹹土曰鹵亦
曰斥亦曰潟粉解曰勃壤輕脆曰輕煖強堅曰疆築駢
剛赤土也赤緹線土也墟黃黑土也堊白土也璞類塊
也鬱栖糞壤也

大戴禮易本命篇息土之人美耗土之人醜周禮大
司徒辨其山林川澤丘陵衍原隰之名物左傳襄
廿五年井衍沃國語周語猶其有原隰衍沃也書禹
貢篇厥土惟白壤厥土黑墳山海經海內經鯀竊帝
之息壤以堙洪水史記夏本紀其土赤埴墳書禹貢
篇厥土青黎國語魯語擇瘠土而處之後漢書陳寔
傳土地瘠塉公羊宣十二年傳錫之不毛之地易說
卦傳爲剛鹵書禹貢篇海濱廣斥周禮草人駢剛用

午赤纆用羊鹹渴用貍糶胡胡漢情繡難志勃壤
用狐疆藥用黃輕費用火疆藥單言之亦曰疆禮記
月令篇可以美土疆楚辭九歎思古篇倘伴墮阪穀
梁莊廿三年傳天子諸侯勤聖國語吳語王寐疇枕
王以璞而去之漢書賈山傳會不得遂顆
蔽冢而託葬焉莊子至樂篇陵烏得鬱栖

籍籍田也隰新發田也不爲剛者曰縵田田廢生草曰

萊在田曰疆在邑曰里

禮記祭義篇天子爲籍千畝詩載芟篇徂隰徂畝漢
書食貨志一歲之收常過縵田晦一斛以上詩楚茨
序田萊多荒公羊宣十五年傳什一行而
頌聲作矣何休注在田曰疆在邑曰里

治稼穡曰場樹果蔬菜蔬曰圃秋冬曰場春夏曰圃樊

圃謂之園

荀子大略篇大夫不爲場圃周禮大宰二曰園圃毓
草木禮記射義篇孔子射於矍相之圃論語請學爲

圃詩七月篇九月築場圃周禮載師以場圃任圃地
左傳隱十一年齊於社園哀十五年舍於孔氏之外
圃

梁駟天子之圃也天子圃方百里公侯十里伯七里子
男五里園苑也所以域養鳥獸也有牆曰苑無牆曰圃
大曰苑小曰圃

梁駟見賈子禮篇公羊成十八年傳有圃矣周禮地
官序官園人詩靈臺篇王在靈囿囿策西周策周君
反見梁圃而樂之也淮南本經訓侈苑圃之大
呂氏春秋重已篇昔先王之爲苑囿園池也

除地曰場亦曰墾聚土曰封封土曰壇壇及壝埒曰墻
神所依止曰時

國語楚語壇場之所書金縢篇爲三壇同墾禮記祭
法篇一壇一墾公羊宣十八年傳墾惟哭君成踊何

休注瑞地曰璽周禮地官序官封人禮記檀弓篇於是封之崇四尺儀禮聘禮爲壇壝周禮封人掌設王之社壝史記秦本紀祠上帝西時

夷庚要道也從道旁也房四表之道也棧道閣道也街攜也離也四出之路攜離而別也

左傳成十八年今將崇諸侯之姦而披其地以塞夷庚莊子至樂篇從然以天地爲春秋古微書引書運期授房四表之道也史記高祖本紀去輒燒絕棧道攜離見御覽引風俗通

邱陵爲牡谿谷爲牝

見大戴禮易本命篇及淮南墜形訓

四面積高曰雍曲隈亦曰壅穿地曰竊鑿地曰穴大穴曰土囊土穴曰甌脫坳坎曰甌夷坎中小坎曰窪

漢書地理志卽雍漆史記司馬相如傳批巖衝壅周禮小宗伯卜葬兆甫囊亦如之詩縣篇陶復陶穴文選宋玉風賦盛怒於土囊之口史記匈奴傳爲區脫漢書蘇武傳語武區脫捕得雲中生口服虔注區脫土室胡兒所作以候漢者是區脫卽區脫矣荀子大略篇流丸止於甌與說文文部引易曰入于坎窞

沙土曰幕亦曰磧險阻曰塞邊地曰裔遠方曰鬼方

史記匈奴傳益北紀幕後漢書光武紀幕南地空李賢注幕卽今磧也漢與幕通竇憲傳經磧鹵絕大漠呂氏春秋有始篇山有九塞方言裔夷仗之總名詩蕩篇覃及鬼方

火井鹽井也

文選左思蜀都賦火井沈瑩於幽泉

夏中國也諸夏諸侯也

漢書禮樂志此之謂夏聲公羊成十五年傳春秋內其國而外諸夏

要塞邊城要害處也夷服鎮服蕃服謂之四塞

禮記月令篇完要塞明
堂位篇四塞世告至

邊境亭障曰徼徼塞也東北謂之塞西南謂之徼

史記駢布傳守徼乘塞司馬相如傳南至
祥柯爲徼漢書鄧通傳盜出徼外鑄錢

夷者觥也吠夷于夷方夷黃夷白夷赤夷元夷風夷陽
夷謂之九夷一曰元菟樂浪高驪滿飾梟與索家東屠
倭人天鄙爲九也蠻者緡也慢也別名曰閩天竺咳首
焦僥跂腫穿曾僭耳狗軹旁脊謂之八蠻戎者凶也別
名曰髦僥夷戎夷老白耆羌鼻息天剛謂之六戎狄者
辟也月支穢貊匈奴單于白屋謂之五狄

禮記王制篇東方曰夷南方曰蠻西方曰蠻西方曰戎北方曰狄爾雅釋地九夷八蠻七戎六狄謂之四海詩角弓篇如蠻如鬻案四夷名曰禮記爾雅兩疏並據風俗通義爲說而今本風俗通中脫去此條矣

蓬穎小豕也瑾路豕也蟻豕謂之坻亦謂之埵亦謂之

壘孔

漢書賈山傳曾不得蓬穎蔽豕而託葬焉詩小弁篇尙或瑾之易略例陸焜永歎陸德明釋文駢本又作坻詩東山篇鶴鳴于埵孟子泰山之於耶埵莊子秋水篇不似壘孔之在大澤乎

禽獸所踐處曰噓

說文田部引詩曰町噓鹿場

爽塏高明也輶輶路輶曲也

文選張衡西京賦處甘泉之爽塏李善注引左傳請更諸爽塏管子地圖篇凡兵主者必先審知地圖輶

合佳

卷十七

三

險之

地神曰示始耕田者曰田祖主道路行作曰行亦曰祖
土神曰夷羊草澤之神曰方良亦曰罔兩亦曰委蛇水
汙之神曰漏東北方之神曰倍阿西北方之神曰泆陽
野之神曰方皇神怪曰清商

周禮大宗伯掌建邦之天神地示人鬼之禮大司樂
及土示祇與示通國語魯語及百辟神祇周禮篇章
凡國祈年于田祖禮記祭法篇曰國行史記五宗世
家榮行祖於江陵北陵淮南本經訓夷羊在牧文選
張衡東京賦腦方良周禮方良莊子達生
篇沈有履陸德明釋文履司馬本作漏達生篇又云
東北方之下者倍阿鮭螿蠶之西北方之下者則泆
陽處之野有方皇澤有委蛇陸德明釋文方皇本亦
作彷徨管子地員篇
其下清商不可得泉

釋耶

虛耶也雕耶類

易升升虛邑墟與虛同呂氏春秋貴直篇使人之朝
爲革而國爲墟水經汾水篇阜長四五里廣二里餘
高十丈汾水屋其陰西
入河漢書謂之汾陰雕

積土高大曰阜阜者茂也

積土高大見北堂書鈔引韓
詩阜茂見風俗通義山澤篇

埋土山也斷而高者曰龍斷

左傳襄六年埋之公羊宣十五年傳宋華
元亦乘埋而觀之孟子必求龍斷而登之

陵冢爲山

漢書地理志非
獨爲奉山園也

拾雅

卷十九

三

釋山

嶽換也換功德也

見白虎通
義巡狩篇

太岳謂之霍太山太行謂之五行苗山謂之會稽醫無閭一曰於微閭

書禹貢篇至于岳陽淮南汜論訓武王克殷欲築宮於五行之山史記夏本紀或云禹會諸侯江南計功而崩命曰會稽集解引皇覽會稽山本名苗山又引越傳禹到大越上苗山大會計因更名苗山曰會稽案越絕書紀地傳苗山作茅山吳越春秋越王無余外傳同楚辭遠遊篇夕始臨乎於微閭

大行轅轅崦澠謂之三塗太一謂之終南亦謂之中南亦謂之終隆砥柱謂之三門嶓冢謂之鮒嶠苞山謂之

夫椒亦謂之洞庭蒼梧謂之九疑崑崙謂之鍾山亦謂之玉巒元圃謂之平圃

水經伊水篇伊水歷崖口山峽也酈道元注引春秋昭公四年司馬侯曰四嶽三塗漢書地理志扶風武功縣有太一山古文以爲終南左傳昭四年中南九州之險也淮南俶真訓孟門終隆之山不能禁水經河水篇又東過砥柱間酈注三穿既決水流疎分亦謂之三門矣沔水篇酈注引尚書曰蟠冢導漾東流爲漢山海經所謂漢出鮒嵎山也又云湖有苞山春秋謂之夫椒山山有洞室入地潛行俗謂之洞庭山海經海內南經蒼梧之山崑崙與疑同經又云蒼梧之淵其中九嶷淮南俶真訓譬若鍾山之玉楚辭九思守志篇陟玉巒兮逍遙山海經西山經槐江之山實維帝之平圃

山之高聚者曰巘

漢書司馬相如傳夷巘築堂

山曲曰阿亦曰隈阪曰陔亦曰坻大坂曰阬邪道曰崕
崕山旁曰岬山旁穴曰窟山足曰岬亦曰岬谷中險道
曰隊山岸傍欲墮者曰陔岸崩曰沮

楚辭九歌少司命精晞女髮兮陽之阿後漢書班彪傳商洛緜其隈周禮考工記總目則於馬終古登陔也轉人及其登陔文選司馬相如上林賦下磧歷之抵揚雄羽獵賦雖密院甘泉賦登降崩崕左思吳都賦倒岬岫張衡南都賦潛窟洞出太元增上九賴彼峽岬文選束皙補亡詩自華篇在陵之陔穆天子傳於是得絕鉅山之隊漢書揚雄傳嶠若陔墮左傳莊十一年若沮岸崩山

礬大石也旁唐文石也錯鍛厥石也礪諸攻玉之石也
礬石楚謂之涅石秦謂之羽涅石解散謂之泐

文選木華海賦竭礬石栖百靈漢書司馬相如傳珉玉旁唐詩鶴鳴篇可以爲礬公劉篇取厲取鍛荀子

楚辭哀時命篇使臬楊先導兮陽與楊通淮南汜論
訓山出臬陽說文解字又作臬羊籟巨人見山海經
後漢書張衡傳速燭龍令執炬
兮楚辭遠遊篇悉靈圍而來謁

釋水

洛陽謂之三河河南河東河內也涇渭汧謂之三川涇
濁水也

文選後漢書光武紀贊三河未澄水經沁水又東過
懷縣之北酈注春秋時赤翟伐晉圍懷是也王莽以
爲河內舊三河之地矣淮南俶眞
訓三川洞詩谷風篇涇以謂濁

孟津謂之盟津漯水謂之武水澗水謂之郟水漳水謂
之潞水漢上謂之沔漢水謂之夏夏水之首江之沱也
亦謂之滄浪下沔水會于江謂之夏汭

水經河水篇又東至鄧湛水從北來注之鄧注引論衡武王伐紂八百諸侯咸同此盟故曰孟津亦曰盟
津河水篇又云又有漯水出焉鄧注戴延之謂之武
水也又潛水篇潛水出鄭縣西北平地鄧注詩所謂
潛與洧者也世亦謂之爲鄭水也春秋分國曰鄭之
詩曰潛水之出潛水出於
國出於鄭水之出潛水出於
媯補李又濁漳水篇又東北過屯雷縣南路縣北
鄭注闕駟曰有潞水爲冀州境卽漳水也書禹貢篇
逾于沔左傳昭十三年王沿夏水經夏水篇夏水出
江津於江陵縣東鄭注江津豫章口東有中夏口是
夏水之首又云又東至江夏雲杜縣入于沔鄧注引
鄭元注尚書滄浪之水言今謂之夏水又引左傳吳
伐楚沈尹射奔命夏汭杜預注漢水曲入江卽夏口
矣

湖者都也洞庭地穴也隔洮射貴及太湖爲五湖

湖都見白虎通義山澤篇山海經海內東經湘水入
洞庭下後漢書馮衍傳沈孫武於五湖今李賢注引

虞翻曰隔湖洮湖射湖黃湖及太湖爲五湖水經河水篇鄭注洮湖作長蕩湖隔湖作瀾湖案說者多以五湖爲具區邵氏二雲爾雅正義引周禮職方其澤數曰具區其浸五湖分具區爲二其說良允故特標五湖之名

白河入沛自沛入淮自淮達江水徑周通故曰四瀆

水經河水篇又東北過荏平縣鄭注

北人名水皆曰河

莊子外物篇自制河以東

黃海青海赤海白海元海五方之海也四溟四海也大冥謂之夏海少海謂之幼海渠弭菡類裨海也渤澤謂之蒲昌蒲昌謂之鹽澤海旁曰勃斷水曰解海東川曰

尾閭尾閭曰沃焦

五方海見淮南墜形訓文選張協雜詩雨足灑四溟
呂氏春秋求人箭夏海之窮山海經東山經無臯之
山南望幼海國語齊語渠弭於有渚彌與弭同管子
小匡篇渠彌於河渚後漢書班超傳破白山臨犍類
水經河水篇北流與蔥嶺河合東注蒲昌海鄴注河
水又東至于渤澤卽經所謂蒲昌海也蒲昌亦有鹽
澤之稱又引山海經東望渤澤河水之所潛也史記
高祖本紀北有勃海之利司馬相如傳浮渤海莊子
秋水篇尾閭泄之不
知何時已而不虛

水出於山而流入於海者曰經水水別於他水入於大
水及海者曰枝水

見管子
度地篇

急水曰湍湍曰瀨怒水曰減洞流曰潘曰齊曰渦曰澆

復流曰復深淵曰旋淵湊漏之流曰瀆如淵而淺曰淀
楚人謂水暴溢曰濳

漢書溝洫志水湍悍難以行平地淮南說山訓稻生於水而不生於湍瀨之水楚辭九歌湘君篇石瀨兮淺淺淮南本經訓抑或怒瀨以揚激波莊子應帝王篇鯢桓之潘爲淵達生篇與齊俱入文選郭璞江賦盤渦谷轉迅復增澆淮南俶真訓湍瀨旋淵呂梁之深管子宙合篇泉踰瀨而不盡文選左思魏都賦擬鯉之淀澗與淀通郭璞江賦楫爲濳磴之以濳瀨

壑曰阬大壑曰污壑可以爲陂灌漑者曰浸

後漢書馬融傳彌綸阬澤淮南原道訓而蹟蹈於污壑陷窞之中周禮職方氏其浸五湖

澼椒澤也池澤中曰瀛沛大澤也草棘曰沛亦曰菹小澤曰斥渟水曰洼大曰潢小曰汙深者曰豬南方謂都

爲豬澤之無水者曰沉亦曰莽澤曲曰臯澤濁曰畛挈
詩振鷺篇于陂西雝禮記禮運篇鳳凰麒麟皆在郊
極楚辭招魂篇倚沼畦瀛兮遙望博管于揆度篇破
增數焚沛澤公羊僖四年傳大陷於沛澤之中孟子
沛澤多而禽獸至驅蛇龍而放之道沮與道通禮記
王制篇山川沮澤莊子逍遙遊篇斥鴳笑之曰淮南
覽冥訓澤無注水左傳隱三年潢汗行潦之水汚與
汗同國語周語猶塞川原而爲潢汚也潢與潢音義
同大戴禮夏小正篇潢潦生辛書禹貢篇大野既豬
彭蠡既豬禮記檀弓篇滂其宮而豬焉風俗通義山
澤篇沉莽也澤之無水斥鹵之類詩鶴鳴篇鶴鳴于
九臯楚辭離騷篇步余馬於蘭皋兮
淮南要略篇棄其畛挈其淑靜

流者曰川流滿曰沔下流曰頽逆流曰會流別曰派水
流不絕曰瀆不流曰奴

國語周語防民之口甚於防川詩沔水篇沔彼流水
史記河渠書水類以絕商顏書禹貢篇會于渭汭文

選左思吳都賦百川派別爾雅釋水篇注澮
已讀後漢書光武紀復北擊北山伐盧奴

沸涌出也涌起曰波還者曰澮小水入大水曰朝因水
入水曰達平地出水曰淫水浸曰漸穴道交通曰達

漢書劉向傳百川沸騰淮南人間訓起波濤文選徐
排古意訓到長史溉登琅邪城詩金溝朝灞產書禹
貢篇達于河後漢書和帝紀今茲淫水爲害史記孝
武本紀治大池漸臺山海經中山經洽水多鱸魚居
達文選郭璞江
賦潛達有通

汗小潦水曰寅小渠曰瀆水實亦曰瀆淺水見沙石曰
磧礫淤沙曰耦水淤濁曰填闕漏澤曰竭澤故水處曰
渴澤水田曰臯

淮南說林訓寅耶無壑泉源不溥史記屈原賈生傳
彼尋常之污瀆兮荀子修身篇開其瀆文選左思吳

都賦既其積礫而不窺玉淵者未知驪龍之所蟠也
呂氏春秋必己篇遇盜於耦沙之中漢書溝洫志注
填闕之水漑烏鹵之地淮南本經訓竭澤而漁周禮
草人湯澤用鹿文選潘岳秋興賦耕東臯之沃壤兮
水黑曰冥亦曰盧白水曰素水赤水曰丹水

莊子逍遙遊篇北冥有魚水經澗水篇又東過唐縣
南鄴注余案盧奴城內西北隅有水淵而不流水色
正黑水黑曰盧不流曰奴故城地藉水以取名矣楚
辭哀時命篇含素水而蒙深兮借誓篇涉丹水而馳
兮

凍冰也水凝曰冰冰流曰澌木冰一曰介亦曰閒樹

楚辭招魂篇挫糟凍飲論衡論死篇水凝爲冰晉書
音義一百五澌流水也隋書五行志木冰一曰介介
者兵之象也漢書
劉向傳雨木冰

濟渡曰津浮水曰游

論語使子路問津焉列子
黃帝篇能游者可教也

無水曰隍隍謂之閭有水曰池畜水曰陂陂障也壅也
防謂之障隄謂之雍唐城隄也所以制水曰渠區所以
壅水曰閼

易秦城復于隍管子度地篇郭外爲之土閭國語周
語陂塘汗庫以鍾其美書秦誓篇惟宮室臺榭陂池
侈服詩澤陂篇彼澤之陂國語吳語陂漢以象帝舜
周語是障之也周禮秋官序官雍氏淮南主術訓若
發城決唐荀子非相篇府然者渠區槩括之於己也
堰與堰通文選沈約三月三日詩東出千金堰漢書
召信臣傳起
水門提閼

岸謂之坻亦謂之浦亦謂之沚高岸夾水曰厠岸曲而
有稜曰句廉岸側空處曰廡

文選張衡南都賦坂坻嶽嶰而成獻呂氏春秋召類篇堯戰於丹水之滿漢書揚雄傳跼魂負診史記張釋之傳屈北臨廟漢書趙充國傳入鮮水北句廉上文選郭璞江賦猿獺駘平廢空

水畔曰干水隰曰澗水旁曰沙隰陂曰泮水際平曰汀水埒曰埒水南曰陰水內曰內隊內也

易漸鴻漸于干詩葛藟篇在河之滸鳧鷖篇鳧鷖在沙眠篇隰則有泮文選謝靈運登臨海嶠詩汀曲舟已隱淮南齊俗訓豺貉得埒防弗去而絲水經泂水篇又東南過其縣南郡注引左傳襄九年齊于陰坂次于陰口而還書禹貢篇涇屬渭泂左傳莊四年且請爲會於漢泂而還閔二年虢公敗犬戎於渭泂版虔注作渭隊

溜水流也防脈理也

文選嵇康琴賦據神淵而吐溜周禮考工記匠人凡溝逆地防

澹崇潯大波相擊也沓泚波相重也激灑水相連也瀄
瀑水攢聚也齧漆沔淪溫汾河潒圖潏萃紫水迴旋也
灑漾潢漾漬泚泚汗溟灑森漫頊溶沆漾渺瀾濇漫膠
瀉汪沆潢混水闊遠也頊淡水搖蕩也灑潯灑濇泊柏
瀝液汀渟小水也濯濟獲渭滂溲溲水聲也渾渾泡
泡庖庖水瀉涌聲也

爾雅釋水胡蘇楚辭九歌湘君篇橫流涕兮潺湲文
選木華海賦激洩激灑天綱渟渟長波沓泚渺瀾
漫漶滂浩汗濯瀉淪而瀄瀑鬱沓迭而陸頊潏潏
而爲魁潤泊柏而馳颺頊渟渟溟溟濟獲渭張衡南
都賦玉膏溢溢流其隅流瀄投濺粉沃輞軋史記司
馬相如傳條腫淒淒涓涓涓涓涓涓涓涓涓涓涓涓涓
灑浩潢漾文選左思吳都賦澶涓涓涓涓涓涓涓涓
汗溟灑森漫泚泚溶溶灑灑灑灑灑灑灑灑灑灑灑灑

沱湖澹梁滸檣洞瀾淪登瀛汪沈廣混困泣滋汝河
源涖鄰國滸近淪涼瀼嵇康琴賦滸汨彭群南都賦
又云潛匿洞出夜骨澆滸左思蜀都賦龍池濤瀑道
其限張衡思元賦水泣左而湧滸枚乘七發所溫汾
者馬融長笛賦頤淡滸流爭湍萃禁司馬相如上林
賦澆滸實陸滸滸沆滸揚雄甘泉賦梁弱水之滸滸
今後漢書張衡傳激飛泉之滸液文選張協七命何
異促鱗之遊汀滸江賦又云鼓唇窟以滸滸山海經
西山經東望初澤河水所潛也其
源滸滸滸滸滸滸滸滸滸滸滸滸滸滸滸滸滸滸滸滸滸

水方折有玉員折有珠

見淮南陸形訓山海經南山
經英水多白玉郭注引尸子

閩兩海若無夷天吳禺强水神也

左傳宣三年魃魅罔兩楚辭遠遊篇令海若舞馮夷
莊子秋水篇向若而歎曰穆天子傳河伯無夷之所
都居山海經海外東經朝陽之谷神曰天吳是爲水
伯列子湯問篇乃命禺强使巨鼈十五舉首而戴之

拾雅卷第十九終

拾雅卷第二十

高郵夏味堂述

拾遺釋十

釋草

桑六穀也梁好粟也芒種麥稻也穢禾也藁瑞禾也大
麥旋麥也穉擇麥也苴麻子也萁豆莖也稻曰白黍曰
黑

盞與桑通周禮肆師表盞盛告潔小宗伯辨六盞之
名物鄭注六盞謂黍稷稻粱麥苽漢書食貨志食必
梁肉周禮稻人種之芒種呂氏春秋審時篇疎穢而
穗大史記司馬相如傳藁一莖六穗於庖呂氏春秋
任地篇孟夏之昔殺三葉而穫大麥楚辭招魂篇稻
粱稱麥詩七月篇九月叔苴儀禮喪服傳苴經杖左

傳襄十七年苴經帶杖漢書楊惲傳種一頃豆落而為其周禮籩人白黑

紉泉也穀泉屬

荀子正論篇菲對屨揚倬注對當為紉說文衣部裴穀也詩曰衣錦聚衣

薺亭歷靡草也

禮記月令篇靡草死

文無當歸也離草勺藥也辛怡亦曰芍藥

古今注相招召贈之以文無詩漆消篇贈之以勺藥山海經北山經繡山其草多芍藥

莖公明草也

史記周本紀衛康叔封布茲索隱茲一作莖

卷耳璫草爵耳

詩卷
耳序

蓂楚羊腸羊桃

詩吳有
蓂楚序

艾蘭蘿摩雀瓢

詩次陶荷
艾蘭之艾

茆水葵蓴菜艸躡屏風

詩泮水薄采其茆楚
辭招魂篇紫莖屏風

藁耳蒼耳藁耳檳菜

列子楊朱篇甘藁莖淮
南覽冥篇位賤尙藁

柘蔗蔗諸柘甘柘雞頭雞靡

合佳

卷二十一

二

牙

卷二十一

楚辭招魂篇有柘漿些漢書司馬相如傳請柘巴且莊子徐無鬼篇雞麤也

篁叢生竹一曰竹田也竹皮曰籜竹青曰幹亦曰密亦曰箴亦曰箠亦曰筠竹溝曰谷竹行曰笮

漢書嚴助傳篁竹之中史記樂毅傳植於汶篁文選謝靈運經湖中瞻眺詩初篁苞綠籜籜儀禮士喪禮繫用幹鄭注幹竹蔕也書顧命篇敷重篔簹禮既夕禮燕器杖笠嬰鄭注笠竹箠蓋也禮記禮器篇如竹箭之有筠也筠與筠通書顧命篇敷重筍席鄭注析竹青皮引禮器文作筍則筍卽筠矣漢書律厯志黃帝使泠綸自昆侖之陰取竹之解谷爾雅釋草仲無笮說文竹部笮竹列也

王瓜王菩

呂氏春秋孟夏紀王菩生禮記月令篇王瓜生鄭注引今月令夏小正竝作王蕢蕢與菩通

蹲鴟大芋也芋魁芋根也

文選左思蜀都賦踴鷄所伏跋與踴通史記貨殖傳
汝山之下沃野下有跋鷄後漢書許楊傳字我守魁
昌蒲其根曰昌本昌蒲菹曰昌歠

周禮醢人朝事之豆其實昌本昌
本麩醬左傳僖卅年饗有昌歠

豕零豕囊豬苓也車前陵烏也萊藜雞蘇也

莊子徐無鬼篇豕零也至樂篇生於陵屯則爲陵烏
齊民要術引詩義疏萊藜也今兗州人蒸以爲茹謂
之萊蒸譙沛人
謂雞蘇爲萊

忘憂誼草也新雉辛夷也一曰辛引一曰畱夷

文選謝惠連西陵遇風詩無萱將如何李善注萱與
誼通引韓詩章句焉得誼草毛詩作諼草爾雅釋訓
菱諼忘也陸德明釋文作菱草說文艸部作蕙艸文
選揚雄甘泉賦列新雉於林薄李善注引本草辛夷
一名辛引司馬相如
上林賦雜以畱夷

芷莖也蘭槐蘭莖也葯藿也若杜也鬱鬱金若蘭也揭
車撚枝葦荔荖芭射干胡繩薩秦香草也芎窮江薩也
葉本畢也一曰橐茷一曰麋蕪

漢書司馬相如傳衡蘭芷若荀子勸學篇蘭槐之根
是爲芷莖與芷通山海經中山經棘山其草多葯文
選傳毅舞賦微風揮若芳周禮春官序官鬱人和鬱
鬯楚辭離騷篇畦畱夷與揭車兮九歎惜賢篇采撚
枝於中州王逸注引相如賦枇杷撚沛其字從木郭
璞云撚支木也山海經西山經小華之山其草有草
荔楚辭離騷篇荖不揆予之中情兮九歌禮魂篇索
芭兮代舞九歎愍命篇掘荖蕙與射干兮離騷篇索
胡繩之纒纒文選郭璞江賦繁蔚芳薜宋玉風賦離
秦衡史記司馬相如傳芎窮昌蒲楚辭九思憫上篇
橐本兮萎落荀子正論篇載葦芷以養鼻揚倅注葦
讀爲橐卽蘭莖本也史記司馬相如傳橐本射干江
燕離麋

綏廉薑也苾薑子薑也

儀禮既夕禮記茵箸用茶實綏澤焉
文選司馬相如上林賦苾薑蘘荷

蒲深蒲合蒲蒲謂之萃

詩韓奕篇維筍及蒲禮記明堂位篇周以蒲勺書顧
命篇敷重篋席王肅注篋席織蒻萃席蓋蒲席也

蒲本在水中曰弱篋織蒻也

周禮考工記輪人故竝其幅
廣以爲之弱織蒻詳上注

深蒲桑耳也茹蘆牛蔓也龍修龍須也觚蘆扈魯也

周禮醢人深蒲醢醢詩東門之墀篇茹蘆在阪山海
經中山經買起之山其中多龍修漢書司馬相如傳

蓮耦
觚蘆

蕤茺蔚也萋王負也菽烏服也藹巨荒推壘也菹土茹

也

詩中谷有蕓七月篇四月秀萋葛生篇蔽蔓于野易困困于葛藟文選左思蜀都賦樊以菹圃

薦寄生也亦曰根生無花葉而生者曰芝栢落地衣也

水中曰魚衣

詩類弁篇薦與女蘿文選張衡思元賦桑末寄夫根生兮禮記內則篇芝栢管子地員篇五蕝之狀黑土黑落筓與落同周禮醱人筓苴鴈醱

蕓芑芎蔣苞蘆莎蘘葳葭巴且巴蕉

齊民要術引詩義疏蕓青州謂之芑管子小匡篇首戴苧蒲禮記曲禮篇苞屨淮南覽冥訓路無莎蘘漢書司馬相如傳諸柘巴且

茶萑茗也蒿苗亦謂之荻茗

詩鴟鴞篇子所擇茶淮
南說林訓蒿苗類絮

鬱西

管子地員篇
葉下於攀

麋草也桑穀野草也菽藟小草也扶留藤也紫脫瑞草也薦梅草實也蔡毒草也

太元去次五捷其衣之庭有麋說苑君道篇桑穀野草也老辭怨上篇菽藟今曼衍文選左思吳都賦東風扶留王融曲水詩序紫脫華朱英秀淮南覽冥訓食薦梅文選左思魏都賦蔡芥螫刺

先種曰種後種曰穉穉勿稼也先種後孰謂之種後種先孰謂之種孰穫曰穉生穫曰穉野生曰旅

詩閔宮篇種穉菽麥稚與穉通書考靈曜百穀稚熟鄭注晚熟曰稚周禮內宰詔王后帥六宮之人而生

合佳

卷二十一

五

種稜之種重穆與種稜通詩七月篇黍稷重穆禮記內則篇稱稷史記天官書主葆旅事抱與旅迺後漢書光武紀至是野穀旅生李賢注不因播種而生故曰旅今字書作穉稻久與穉同獻帝紀自出採稻

芑蒂謂之芑亦謂之厲

周禮戎右贊牛耳桃列喪祝王弼則與巫前鄭司農注喪祝與巫以桃厲執戈在王前

茂草曰菑亦曰薦聚草曰楸草叢生曰葆草穢塞路曰第草深曰莽亦曰薄冬生草曰宿莽宿草曰陳根草生之再曰荐枯草曰藁亦曰苴腐草曰鬱

淮南本經訓菑榛穢聚將畝後漢書馬融傳其土毛則推木薦草管子八觀篇薦草多衍禮記禮運篇皇麒麟皆在郊楸漢書武五子傳頭如蓬葆國語周語道第不可行也漢書景帝紀或地饒廣薦草莽水泉淮南原道訓隱于榛薄之中楚辭騷篇夕攬中洲之宿莽禮記檀弓篇有宿草而不哭焉爾雅釋言

荐原再也國語齊語擊菓鋤除田楚辭九章悲回風
篇草芘比而不芳菹與苴通管子輕重甲篇請君伐
菹蒔禮記內則篇
烏雉色而沙鳴鸞

草薪曰蕘乾芻曰菱草中之翹翹曰蕘

左傳昭十二年淫芻蕘者書費誓
篇時乃芻菱詩漢廣篇言刈其蕘

苳而直曰萌屈生曰句亦曰區戴孚甲而出曰反生草
生而初達曰悅

禮記月令篇萌者盡達句者畢出樂記篇區萌達易
說卦傳其於稼也爲反生文選左思吳都賦鬱兮悅
茂

草根曰芟根衍曰芎藭莖曰莖葉末曰穎花之通名曰
鋪花朵謂之萼萼榮也莖華也華中齊曰菱華盛曰爾

百末百草華也種子曰實草實曰葍亦曰藁亦曰藜含

實曰繩

漢書禮樂志根莖以遂逸周書大猷解教芋與樹藝
漢書東方朔傳以莖撞鐘禮樂志合秀垂穎易說卦
震爲粵文選左思吳都賦異荇蔞蒨漢書孝武李夫
人傳兩莖莢以俟風兮詩采薇篇彼爾維何漢書禮
樂志百末旨酒布蘭生詩載芣篇實函斯活易說卦
傳爲果葍宋注草實謂之葍高誘注呂氏春秋仲夏
紀淮南時則訓竝云無核曰葍義亦大同矣文選郭
璞江賦濯穎散裏李善注引高唐賦曰綠葉紫裏楚
辭離騷篇貫薜荔之落藜文選左思蜀都賦敷藜葍
莖劉注藜者或謂之葍或謂之實一曰花鬚頭點也
周禮雜氏秋
繩而莖之

生曰苗秀曰禾亦曰穗禾稊曰總實未堅曰阜穀不成
曰秕似穀曰稗陳穀曰秭

公羊莊七年傳無禾詩黍離篇彼稷之穗書禹貢
百里賦納總詩大田篇既方既皁後漢書安帝紀穡
我王度左傳定十年用秬
稗也詩豐年篇萬億及秬

麻榦曰蒸茅根曰茹茅始熟中穰曰蕘

漢書揚雄傳樵蒸焜上易泰拔
茅茹蕘訓見御覽引風俗通

菜亦曰茹菜始生曰萌

後漢書馬融傳芳茹甘茶
周禮占夢乃含萌于四方

凡地所生謂之毛

穀梁定元年
傳毛澤未盡

種穀曰稼收斂曰穡雖本曰籽亦曰藪

書洪範篇土爰稼穡詩伐檀篇不稼不穡桑柔篇稼
穡卒痒齋與穡同儀禮少牢饋食禮出宰夫以籩受

喬黍詩甫田篇或耘或耔
左傳昭元年是穰是麥

穀曰穫草不剪曰芴反草曰菑除草曰芟亦曰刈刈草
曰芻斬芻曰莖芟末曰艾迫地芟草曰薙以足蹋夷草
曰芟剗除曰刺芟草燒之曰燠

楚辭離騷願埃時乎吾將刈王逸注穀曰穫草曰刈
列子黃帝篇藉芳燔林易无妄不菑畲詩皇矣篇其
菑其翳載芟篇載芟載柞國語吳語而又刈亾之漢
書賈山傳芻蕘採薪之人尹翁歸傳使斫莖詩庭燎
篇夜如何其夜未艾禮記月令篇燒薙行水說文
部引春秋傳曰發夷薙崇之儀禮士相見禮庶人
曰刺草之臣詩旱麓篇所燎矣鄭箋乃人燎燎

薑及蔥薤之屬曰葷

儀禮士相見禮膳葷禮
記玉藻篇有葷桃茢

百草之香築煮合鬱金釀之曰鬯

詩江漢篇秬鬯一鹵竝
詳白虎通義考黜篇

釋木

梗杞也柘桑也棋枳也杆楛也穀構也枋檀也椿櫛也
椶椰榆也

文選張衡西京賦梓核椶椶又樹以柳杞淮南本經
訓林無柘梓禮記曲禮篇婦人之摯棋榛內則篇芝
枏菱棋史記夏本紀維箇籥楛山海經南山經有木
焉其狀如穀而黑莊子逍遙遊篇我決起而飛檜榆
枋上古有大椿者詩
大東篇無浸椶薪

合昏槿也朝生葬華舜英木堇也

文選陸倕刻漏銘合昏暮卷國策秦策吾危於累卵
而不壽於朝生詩有女同車篇顏如舜華顏如舜英

枸骨木密也駁馬梓榆也射干烏翼也櫻拊間也櫟木
蓼也椐木苦歷木也櫨合華也楨木女貞也

詩南山有臺篇南山有枸晨風篇隰有六駁後漢書
馮衍傳攢射干雜薜蕪兮山海經西山經石脆之山
其木多櫻漢書司馬相如傳沙棠櫟楛淮南俶真訓
椐木色青翳史記司馬相如傳華汜櫨櫨山海經東
山經太山上多楨木

豫章樟木也古謂大木爲章

後漢書王符傳必欲江南臨梓豫章之木左傳哀
十六年挾豫章以殺人匡謬正俗古謂大木爲章

槩小橋也小曰橋大曰柚石榴若榴也

漢書司馬相如傳黃甘橙槩書禹貢篇厥包
橘柚錫貢文選潘岳閒居賦石榴蒲桃之珍

枰平仲也仁頰賓根也

司馬相如上林賦華
楓梓櫨仁頻并闕

唐棣莫李鬱車下李也木枵榎棗栢軌也芋栗也橡櫟
實也櫟柞也亦謂之棗薺茨阜茨也

詩何彼禮矣篇唐棣之華論語同史記司馬相如傳
隱夫鬱棣漢書司馬相如傳枵棗楊梅又云檣梨枵
棗禮記內則篇芝栢菱棋列于黃帝篇先誑之曰與
苦芋後漢書李恂傳拾橡實以自資詩晨風篇山有
苞櫟漢書司馬遷傳栢櫟不斲櫟與櫟通水經河水
注吳越之間名栢爲櫟采與採同莊子人間世篇見
櫟社樹陸德明釋文櫟采也
周禮大司徒其植物宜茨物

松之言容也竦也柏之言迫也槐之言懷也歸也桑之
言喪也暴桑蒲蘇桑也

公羊文二年傳練主用栗鄭注夏后氏以松殺人以
相白虎通義宗廟篇松者所以自竦動周禮朝士面
谷惟

三槐三公位焉春秋元命苞槐之言歸也儀禮士喪禮簪笄用桑公羊文二年傳虞主用桑宣六年傳是某時所食活我於暴桑下者也

扶蘇扶胥樸橄小木膏夏大木也

詩山有扶蘇林有樸橄
淮南倣真訓膏夏紫芝

黃腸柏木黃心也

後漢中山簡王焉傳發常
山鉅鹿涿郡柏黃腸雜木

剛木檀柘之屬柔木桐梓之屬

山海經北山經北嶽之山多
剛木詩小弁篇荏苒柔木

林木曰楫特木曰杙聚木曰叢曲木曰撓不可用之木曰散肖翹植物也木長曰格眾樹之虛曰樾楚人謂樹

上火本小如車蓋亦曰越

呂氏春秋明理篇有若山之楫詩杖杜篇有杖之杜淮南俶真訓獸走叢薄之中列子湯問篇竿木繞莊子人間世篇散木也眩篋篇肖翹之物文選司馬相如上林賦天矯枝格淮南人間訓武王陰囑人於繼下精神訓德祿越下則脫然而喜矣

根盤錯曰枸桑土桑根也

山海經海內經有木名曰建木百仞無枝有九疇下有九枸詩鴟鴞篇徹彼桑土陸德明釋文引韓詩作杜桑

莖曰彙幹曰枚木理曰柶木末曰杪亦曰標

爾雅謂椶采薪舍人本謂作彙詩汝墳篇伐其條枚斯干篇如矢斯棘玉篇引韓詩作斯柶後漢書馬融傳蹕越枝

杪標端

順曰榘曲枝曰句枉亦曰天矯

淮南齊俗訓披斷撥榘修務訓據句枉漢書揚雄傳踔天矯

木生條曰粵顛末而肆生曰枿桑榆孽生曰葆

書盤庚篇若顛木之有由藥說文弓部引作粵枿木部引作粵繳馬融注亦作枿並同史記天官書主葆事旅

蒂花本也寔果柢也

文選左思吳都賦玩白蒂爾雅棗梨曰寔之

穉楊秀也蔽蒂始生小葉也

易大過枯楊生稊詩甘棠篇蔽蒂甘棠我行其野篇蔽蒂其樗

木實曰果果蓏曰華殼核也乾蓀乾梅也亦曰梅諸乾

桃曰桃諸

易說丘傳爲果蔽儀禮既夕記不食菜果禮記曲禮篇賜果於君而卻持牲篇天子樹瓜華文選張協七命剖椰子之殼周禮籩人饋食之邊其實棗栗桃乾蘇榛實禮記內則篇桃諸梅諸

有核曰果物實無中核者曰郁

漢書食貨志瓜瓠果蔬呂氏春秋古樂篇果實不成覈與核通仲夏紀果實早成博志篇果實繁者木必麻高誘注並作有覈曰果無中核曰郁見論衡量知篇

朴木皮也附木桴也桴木表麤皮也柿札也

文選王褒洞簫賦秋朔不食枹撲而長吟詩角弓篇如塗塗附史記惠景問侯者年表諸侯子弟若肺腑索隱肺音柿臍音附

條直爲材壯大爲朴

楚辭九章懷沙
篇材朴委積兮

木病曰科。梢枝葉稀疏不均曰爆。爍朽木臭曰腐。彫柯曰穢。枯木曰柴。聚柴曰檜。柴木擁曰梲。除木曰柞。髡斲之曰葉。邪斲木曰瞿。

太元窮次四木科。梢爾雅釋詁。毗劉暴。爍也。周禮內
齊牛夜鳴則腐。文選潘岳射雉賦。陳柯槁以改舊。楚
辭九歎。愍命篇。樹枳棘與薪柴。家語問禮篇。夏則居
楸巢。漢書翟方進傳。薦樹之棘。蕭該音義。薦借以爲
楸。字詩。載芟篇。載芟載柞。周禮秋官序官。柞氏
漢書貨殖傳。然猶山不斲葉。師古曰。瞿古槎字。

交讓對生木也。平露賓連華平瑞木也。扶搖神木也。

文選左思蜀都賦。交讓所植。平露賓連。見白虎通義。
封禪篇。文選張衡東京賦。植華平於春圃。莊子在宥
篇。將東遊過
扶搖之枝

百果草木皮曰甲根曰宅

易解百果草木皆甲宅

草木有實者曰疏材亦曰疏食

周禮委人凡疏材木材禮記月令篇有能取疏食田獵禽獸者

草木之植曰栽

禮記中庸篇故栽者培之

草木方長未成曰夭草曰零木曰落

國語魯語澤不伐天楚辭離騷惟草木之零落兮零一作苓

竹曰个木曰枚籟者曰櫛

史記貨殖列傳竹竿万个文選馬融長笛賦裁已當適便易持

釋蟲

濡需豕蝨也大曰蝨小曰蠶醫牛馬蟲也在牛皮者亦

曰蝨

莊子徐無鬼篇有濡需者國語楚語譬之如牛馬處
暑之既至蝨蝨之既多爾雅釋蟲蝨蝨各蝨蝨郭璞注
蝨蝨也陸德明釋文蝨本亦作蝨
蝨在牛皮者說文蝨或蝨字省

小蚊曰蚋

後漢書崔駰傳
蝨蚋之趣大沛

狐梨螻蚋蝨白宿蜻蛉也

爾雅蚋蝨負勞郭璞注即蜻蛉也江東呼狐梨方言
蜻蛉謂之蚋蚋郭璞注蚋蚋一名康蚋淮南齊俗訓
水蠶寫蚋呂氏春秋精論篇每居海
上從結遊高誘注蜻蚋一曰白宿

蚤蝗也蝗謂之騰江東謂之蚱蜢

淮南本經訓飛蚤滿野禮記月令篇百騰時起呂氏春秋同蚱蜢見埤雅引月令章句

帶小蛇也虹蚓謂之曲蟾江東謂之歌女

莊子齊物論篇螂蛆甘帶周禮考工記梓人御行鄭注竇衍之屬劉昌宗曰蟻衍或作衍蚓今曲蟾也蠲與蟾同古今注虹蚓一名曲蟾善長吟於地中江東謂之歌女

鮒蝦蟆反舌蝦蟆蟾蝥

易井井谷射鮒禮記月令篇反舌無聲淮南原道訓蟾蝥捕蚤

蝟似蠶朝菌似蠶蛾一日葶母海南謂之蟲邪

爾雅蚺烏蝟韓非子內儲說蠶似蝟淮南道應訓朝菌不知晦朔

蠶土蝻也長尾爲蠶短尾爲蝟

楚辭九思哀歲篇下堂兮見
董詩都人士篇卷髮如蠶

蝮蝶大如蝙蝠者曰鳳子一曰鬼車

見古
今注

尼蟲也狸蟲廔肌蝮之屬壤蟲蟲之幼也蟻蟲之微也

孝經開宗明義章仲尼居周禮赤友氏凡隙屋除其
狸蟲淮南道應訓猶黃鵠與壤蟲也原道訓澤及跂
蟻

跂行也惴奕無足蟲也螫茲也蛻去皮也

跂蟻見上注莊子祛篋篇惴奕之蟲爾雅蟻蛻蛻
郭注八角螯蟲史記屈原賈生傳蟬蛻於濁穢

釋魚

魚鯨

列子湯問篇其廣數千里其長稱焉其名爲鯤

鯨鱓鯨大魚也

楚辭九懷通路篇鯨鱓今幽潛後漢書馬融傳魴魴鯨鱓詩傲荀篇其魚魴鯨

魴魴黃頰又謂之魴魴謂之揚

漢書司馬相如傳魴魴魴魴山海經東山經番條之山澆水出焉其中多魴魚魴魴郭璞注一名黃頰又謂之魴魴魚麗篇魴魴

禺禺魚牛魴魴魴魴

史記司馬相如傳禺禺魴魴漢書魴魴作魴

魴魴魴

山海經北山經敦薨之水其中多赤魴

鯁鵙鵙

詩敝筍篇其魚魴鰒孔穎達正義鰒似魴而頭大徐州人謂之鰒或謂之鰒陸璣疏幽州人謂之鵙鵙

鮫文魚

逸周書王會解鮫賦利劔爲獻

鮫白鰐儵白魚小魚曰儵亦曰鰐

詩潛篇鱣鱣鯉莊子秋水篇儵魚出遊從容淮南覽冥訓不得其道若觀儵魚史記畱侯世家鯀生

儵鮫儵魚

荀子榮辱篇儵鮫者浮陽之魚也楊涼注鮫當爲鮫

淫魚侶鬲獄

淮南說山訓淫魚出聽

石決明鮫魚侶蛤蚧大蛤中有珠

後漢書伏湛傳張步遣使隨陸詣關上書獻鮫魚淮南說林訓蚧象之病人之寶也

鮪鯨江豚

晉書夏統傳後作鮪鯨引

龜蜥蜴

漢書五行志蜥化爲元龜

毒冒雄也蜚蠊雌也

漢書楊雄傳法靈蠊

蝸小牛螺

莊子在陽篇有所謂蝸者君知之乎

有角曰龍無角曰虬

楚辭離騷馳騁玉虬以乘鸞兮

蛟龍屬乳陵伏淵其卵自孕

淮南秦族訓蛟龍伏寢於淵

有甲蒯胡龜鼈蟀蛤之屬曰互物亦曰狸物

鼈人掌取互物掌蜃掌斂互物蜃物鼈人以時籍魚鼈龜蜃凡羶物

小蟹有螯偏大者曰擁劍

見古今注又左思吳都賦烏賊擁劍

小魚曰魚婢曰妾魚

爾雅

郭璞注

魚之大口者曰吳魚腮邊兩鬣曰翼魚脊曰鬐魚腹下曰腴魚食曰餌生魚曰鱖乾魚曰鱖

詩絲衣篇不吳不敖文選宋玉高唐賦振鱗奮翼儀禮士喪禮進鬐士虞禮魚進鬐鬐與鬐同禮記少儀篇夏右鰭冬右腴莊子肱篋篇鈎餌網罟管筍之知多周禮庖人冬行鱖羽膾膏膾夏行脰臠膾膏膾

蛇腹下齟齬曰蚶龜甲曰殼龜甲緣曰冉鼈竅曰醜

莊子齊物論篇吾待蛇蚶蜩翼耶後漢書張衡傳元武縮於殼中今漢書食貨志元龜鼈冉長尺二寸禮記內則篇鼈去醜

龍鱗魚鼈生育與母分別曰別

荀子王制篇龍鱗魚鼈鱗鱗孕別之時

龜之爲言久也舊也

見白虎通著龜
篇論衡卜筮篇

釋鳥

隼鶚鸚大鵬

國語魯語有隼集於陳侯之庭而死漢書鄒陽傳鸞
鳥衆百不如一鶚雕與鸚同史記李將軍列傳是必
射雕者也服虔韋
昭注並云雕鶚也

鳶鴟

詩四月篇匪鴟匪鳶禮
記曲禮篇則載鳴鳶

大曰鴻小曰鴈

詩鴻鴈篇鴻鴈于飛左傳
襄十六年賦鴻鴈之卒章

元鳥鶴一曰陰

文選張衡思元賦子有故於元鳥兮
逸周書王會解琿上張赤布陰羽

長離鸞也

漢書禮樂志長
麗前挾光耀明

鷓鴣山雞

水經浪水篇自番禺東歷增城縣注引南
越志縣多鷓鴣史記司馬相如傳射駿鷓

鷓鴣權欲

公羊昭二十五年
傳有鷓鴣來巢

伯趙伯勞

左傳昭十七年
伯趙氏司至

鷓鴣鷓鴣屬

穆天子傳
錄飛八百里

題肩正齊人謂之擊征或名曰鷹

儀禮大射儀見鵠於參參見鵠於于鄭注然則所云正者正也亦鳥名齊魯之間名題肩爲正禮記月令篇征鳥鷹疾

隼鶴

易解公用射隼于高墉之上

鷺鷥水鷗

詩鳧鷖篇鳧鷖在涇涇與鷗同列子黃帝篇有好涇鳥者

屬玉水鳥似鳩鵲蚺蜥似山雞

後漢書班彪傳天子於是乃登屬玉之館鷓鴣與屬玉同文選左思吳都賦鷓鴣鷓鴣蜀都賦蚺蜥山棲

鷺鷥鴉鷺

楚辭大招篇
雜鷺鷥只

反舌百舌

禮記月令篇反舌無
聲淮南時則訓同

賓雀老雀

呂氏春秋季秋紀賓雀入
大水爲蛤淮南時則訓同

冠雀鶴雀

後漢書楊震傳後有冠雀
銜三鱣魚飛集講堂前

桑飛布母

方言桑飛自關而
東或謂之女鷗

拾雅

卷二十

六

鴿鴿

詩賓之初筵篇大侯既抗毛傳抗舉也鄭箋舉者舉鴿而棲之於侯也

蕃鷩

山海經北山經涿光之山其鳥多蕃

鴽獨豹

漢書司馬相如傳鴽鷩鴿鴿

鴽雲白

文選左思吳郡賦黑鴽零

飛蠅飛鼠

漢書司馬相如傳雌獲飛蠅

鴟鷂鳥鬪至死乃止

文選張衡東京賦武夫戴鷂

東方有鳥曰諫珂南方有鳥曰乾吉

諫珂見說苑辨物篇列女傳仁智篇乾吉食其子不擇肉子常不遂

雙雙之鳥一身二首尾有雌雄隨便而偶

公羊宣五年傳其諸爲其雙雙而俱至者與

少養雉子長而狎人能招野雉曰媒雉媒曰游

文選潘岳射雉賦序暇而習媒翳之事又賦云恐吾游之晏起

三犧雁鶩雉也

左傳昭廿五年爲六畜五牲三犧以奉五味

舉飛也飛而上曰搏一曰搏亦曰頡飛而下曰頡張兩翅曰昊曠失色不澤美也

呂氏春秋論成篇兔起鳧舉莊子逍遙遊篇搏扶搖而上者九萬里司馬注徒端反崔注音搏詩燕燕篇頡之頡之脰與頡通漢書揚雄傳魚頡而鳥脰爾雅釋獸鳥曰昊周禮內饗鳥曠色而沙鳴狸禮記內則篇作廔色庶與曠同

鶴鳴曰唳雄雉聲曰雒雌雉聲曰鷩鳥食聲曰唼喋小鳥曰啁噍

晉書音義列傳第二十四唳鶴鳴也文選鮑昭雜詩賦唳清響於丹墀詩小弁篇雉之朝雒匏有苦葉篇有鷩雉鳴史記司馬相如傳唼喋菁藻文選上林賦李善注水鳥食謂之唼與啞同呂氏春秋求人篇啁噍巢於林

在樹曰巢室蔕巢也室穴也鳥所止宿曰棲

宋語問禮篇夏則居榭巢詩鴉鴉篇無毀我室周禮秋官序官若蔕氏大戴禮夏小正篇來降燕乃睇傳曰睇眇也眇者視可爲室者也百鳥皆曰巢室穴也史記吳太伯世家棲於會稽

交接曰尾卵生日琢未孚曰卵以氣剖卵曰嫗嫗伏曰孚

書堯典鳥獸孽尾文選曹大家東征賦諒不登櫺而椽蠹兮李善注球與椽古字通國語魯語翼敷卵淮南原道訓羽者嫗伏大戴禮夏小正篇雞桴與孚通

鳥子欲出曰殼卵不成鳥曰般亦曰殭殭裂也

莊子齊物論篇其以爲異於殼音淮南原道訓鳥卵不般禮記樂記篇卵生者不殭

踉蹌大雀容也聾聾鳥飛疾羽聲也振振羣飛也甄

釋獸

閭踰一曰山驢

山海經北山經縣
雍之山其獸多閭

獮竹鼠

莊子天地篇執雷之狗
成思釋文雷本又作獮

雞駭文犀

楚辭九歎怨思篇
弄雞駭於筐籠

飛黃乘黃

淮南覽冥訓
飛黃伏皂

夔一足越人謂之山繅

國語楚語木石之怪曰夔罔兩

巨狻麈

文選張衡西京賦罔兩巨狻

螭如虎而噉虎

左傳文十八年以禦虜魅

扶拔似麟無角

後漢書章帝紀月支國遣使獻扶拔師子符拔與扶拔同班超傳貢奉寶珍符拔師子

駝似鹿而大肉峯

爾雅釋畜犛牛郭璞注狀如素駝陸德明釋文橐又作駝

猿獼似猴狃似狸

後漢書班超傳榜狄夫木史記司馬相
如傳嘶颯駘蛻徐廣注漢書嘶作嘶

能似熊

國語晉語今夢
黃能入於寢門

驪駘巨虛屬

史記匈奴傳駘駘駘駘漢
書司馬相如傳蛻蛻駘駘

騶虞仁獸一曰義獸也解豸直獸也魃堆舍利奇獸也
蜚廉有翼獸也夷羊蜚遠夸父虞虬神獸也蝮蛇巨獸
也解規小獸也天祿辟邪皮樹獸也墳羊土精也

詩騶虞篇于嗟乎騶虞後漢書馬融傳樂奏騶虞太
元難上九角解豸終雉與豸通漢書司馬相如傳弄
解薦又案太元宋衷陸績本竝作角雉魃與解豸同
楚辭天問篇魃堆焉處文選張衡西京賦舍利魃

淮南俶真訓騎蜚廉而從敦圉國語周語夷羊在牧
漢書司馬相如傳樸蜚遠淮南墜形訓夸父弃其策
漢書郊祀志鐘虞銅人皆生毛司馬相如傳立萬石
之虞楚辭涉江篇駕青虬兮參白螭漢書司馬相如
傳曼曼延莊子天運篇解規之獸後漢書靈帝紀及
是爲曼延莊子天運篇解規之獸後漢書靈帝紀及
天祿蝦蟆李賢注南陽縣宗資碑旁有兩石獸一曰
天祿一曰辟邪儀禮鄉射禮記則皮樹中淮南汜論
填羊訓井生

麋鹿麇狼兔曰五牲

左傳昭廿五年五牲

獸三曰羣二曰友

詩吉日篇或羣或友

銳毛曰毫長毫曰髦毛之強曲者曰簷物毛也皮去毛

曰鞞鞞謂之革生曰革熟曰韋

楚辭七諫沈江篇秋毫微哉而髮容爾雅釋訓髦士官也漢書王莽傳以菴裝衣呂氏春秋仲秋紀瞻肥瘠察物色詩韓奕篇鞞鞞鞞淺機論語虎豹之鞞猶犬羊之鞞漢書鄭崇傳每見曳革履

臯比虎皮也虎豹之皮曰文皮

左傳莊十年蒙臯比而先犯之淮南道應訓文皮干合以獻于紂

脰角也無鬣曰脰骨外皮滑澤者曰鬣

史記司馬相如傳犧雙脰共抵之獸禮記樂記篇角脰生

之而骸肱也躡掌也彌蹄不甲也

周禮考工記梓人作其鱗之而左傳文元年請食熊蹯而死公羊宣六年傳熊蹯不熟呂氏春秋明理篇有豕生而彌

乳化曰孳 新生曰免 內敗曰殯

書堯典鳥獸 孳尾禮記內則篇免蕘樂記篇胎生不殯 殯與殯同 淮南原道訓獸胎不殯 高誘注胎不成

獸曰殯

穹窒鼠穴也 鼠作穴出土曰壤 周人謂鼠腊曰璞

詩東山篇洒埽穹窒 穀梁隱三年傳吐者外壤 鼠腊見莊子天下篇犬可以爲羊 陸德明釋文引司馬注

走逸曰風 牝牡相誘曰風 乘匹曰累 曰騰

書費誓篇馬牛其風 禮記月令篇乃合累牛騰馬

趨曰駘 行曰駾 匹行曰綏 綏繼踵曰躑 躑隨行曰蟬 蟬

文選張衡西京賦羣獸駘駾 詩有狐篇有狐綏 綏楚辭九思悼亂篇鹿蹊兮躑躑 猶貉兮蟬蟬

釋畜

蒼祺騏

詩駟篇有
騏有騏

赤黑色騏

說文馬部引詩
曰四騏孔阜

文馬吉黃

逸周書王會解大戎文馬
曰若黃金名吉黃之乘

織離盜驪

荀子性惡篇
織離綠耳

騏驎

後漢書靈帝紀四年春
正月初置聚騏驎丞

翠黃騰黃吉光

漢書司馬相如傳招翠黃乘龍於沼
文選張華東京賦擾澤馬與騰黃

雞斯

淮南道應訓得
騶虞雞斯之乘

蒲梢

晉書音義

第廿六

肅爽

左傳昭三年有兩肅爽馬文選左
思吳都賦招騶騶當與肅爽同矣

紫燕綠蛇

顏延年赭白馬賦將使
紫燕駢銜綠蛇衛轂

棗駟駿馬也駿良馬也駑鈍馬也

楚辭九歎憂苦篇同駑羸與棗駟
兮七諫謬諫篇駑駘駿雜而不分兮

馬母驢父曰羸馬竅曰州

楚辭見上注驢與
羸同爾雅白州驢

馬屬

雜文曰犁

論語犁
牛之子

每牛小牛

逸周書王會
解數楚每牛

潛牛沈牛

文選司馬相如上
林賦沈牛塵麋

纍牛父牛犢物

呂氏春秋季秋紀乃合纍牛爾雅其子
犢鞫與物通漢書朱家傳乘不過鞫牛

牛屬

犍羊曰羨觥羊大羊

史記貨殖傳羯羨不均
太元穀次七觥羊之穀

羊子曰達亦曰羔五月羔曰羴

詩生民篇先生如達楚辭招魂
篇膾鼈炮羔爾雅未成羊羴

羊屬

盧田犬

詩盧合篇
盧令令

豸胡犬

周禮巾車豸褫雀飾射人豸侯一
獲一容禮記玉藻篇狐裘青豸哀

狂犬曰瘕亦曰獠犬之馴者曰遇犬

左傳哀十二年國狗之瘕襄十七年國人逐瘕狗漢
書五行志引作國人逐獠狗詩巧言篇遇犬獲之

犬屬

毫毚狙猪鸞猪

山海經西山經竹山
有獸焉名曰毫毚

羸豕牝豕

易姤羸豕
孚蹢躅

合准

卷二十

美

豕屬

時夜雞也魯雞大雞

莊子齊物論篇見卵而求時
夜庚桑楚篇魯雞固能矣

雞屬

馬五尺以上曰駒二歲曰駒三歲曰駝懷孕曰重馬者
武也驍蟲也駟四馬也蠶馬駿也纓頸毛也駮馬肥疆
也馬通馬矢也馬作足橫行曰皤舉頭高仰曰翰

詩漢廣篇言秣其駒毛傳五尺以上為駒株林篇乘
我乘駒鄭箋六尺以下為駒與傳義不殊矣淮南修
務訓夫馬之為草駒之時高誘注五尺以下為駮失
之周禮校人執駒吏人教駮攻駒漢書劉屈氂傳重
馬傷耗周禮夏官司馬目錄鄭注馬者武也淮南修
務訓馬驍蟲也詩清人篇駮介宥論語駮不及玉

爾雅青驪繁鬣駉文選枚乘七發翠鬣詩有駉
有駉後漢書戴就傳乃臥就覆船下以馬通燕之易
賁黃如蟠如
白馬翰如

牛者冒也鴟夷生牛皮也牛羊有觶曰角羊聲也

史記律書牛者冒也越世家自謂鴟夷子
皮樂書角觶生楚世家六曰季連羊姓

五尺犬爲猶

見顏氏家訓書
證篇引尸子

牛羊草食曰芻犬豕穀食曰豢

禮記月令篇案芻豢孟子猶芻豢
之悅我口國語楚語芻豢幾何

凡牲一爲特二爲牢牛羊豕曰大牢羊豕曰少牢亦曰
中牢始養之曰畜將用之曰牲三牲大牢也六牲馬牛

羊豕犬雞也

國語晉語子爲我具特羊之饗漢書昭帝紀祠以中
牢周禮庖人掌共六畜六獸六禽孝經雖日用三牲
之養周禮膳夫膳用
六牲牧人掌牧六牲

牛馬牢曰牯

說文牛部引周書曰
今惟淫舍牯牛馬

家所畜曰擾

逸周書職方解
其畜立五擾

男齊林技刊

拾雅卷第二十二

邑人張寶用較